

湖陰先生文集

四三

5563.7
8240
1962
v.2

BERKELEY
LIBRARY
UNIVERSITY OF
CALIFORNIA

Carpentier

湖陰先生文集卷之三

宜春雜錄

擬四時回文詞

忽忽綠暗春深院
蝶繞蜂來落晚紅
功課小詩尋久廢
草生池裏夢衰翁
長日困時回夢渴
椀水沉李要枯腸
塘回漲蒲蒲芽短
點點嬌鵲戲浴黃
桐井生涼秋信報
夜堂高揭半簷風
同誰與說懷人遠
鴻燕斷音鄉路窮
梅小吐香新臘趁
地鑪添炭煖回春
開樽一酌催來客
雪擁門深愁漸入

詠玉笛回文

聲飛遠野秋天曉
曲按新翻欲上樓
醒困帶愁仍別恨
月鉤沉處掛簾鉤
下元雨中書事

滯穗離披未滌塲
江干一夜雨兼霜
飢鷹捩翮層霄外
旅鴈悲鳴曲渚傍
三黜已成心鐵石
百憂方種髮滄浪
通宵仰屋舒長嘯
明發懷人故不忘

世事從來任作場老懷薑桂復水霜
嬋娟不肯居人後骯髒空成倚戶傍
捲幔寒宵風淅淅背燈清坐雨浪浪
寧消劒氣埋吳分拂拭雄心未暫忘
既望有感

向來癡業未全闌獨把青編事勘丹
擊碎琅玕乾葉走鎔成鉛汞夕波漫
暝雲欲落沙遶樹霽月先升舍北巖
已了百年渾得懶倒冠遺佩老江干
贈學子曹允懼別

講劇糟粕過炙蒸青出於藍水讓冰
理亂幾時聲共失忠邪寇處恨難勝
速成反欲妨亦速能事多慚問不能
燕坐晴窓應理會敲門車馬未消塵
渾金璞玉價能騰不待西南喜得朋
獨汲長垂千古綆兩甄還欲一麾登
功收去病隨年化學貴知宗覺日增
滿腹琅玕期獻替玉堂棣燭擁青綾
荅崔玄風公瑾見寄

芑山一髮望中賒瓊樹森森疊巘遮
剝啄人傳書尺至偏題細字問窮遐

復體清漲浸寒沙盡日孤舟閣岸斜
有待昏鴉期不至晚風黃葉滿貧家
我鬢君鬢各蒼然髻情親四十年
五馬幾時尋甫里擬呼兒女拜燈前
湖南按使憶同閭攻苦書巢作隊魚
起廢頭顱無寸黑佇聞旌異有殊除
城翁矍鑠老彌麓許國心胸屈壯圖
蕙帳歌空無客到春來山鳥勸提壺
對嶽驚魂費去來肩輿江路恨迢迢
桐陰滿院榴花發共置清尊把一杯
百卦蒼雲蔽斷山清波吹座洗塵顏
何方買地安茅把卧數千帆過一灣
瑤草山中斲背陽詩情誰合得先嘗
鈴齋定試風鑪鼎分與茶村解渴羶

荅江陽許汝珵使君

宣城詞藻發天慳篇什彈丸荷寵頒
官裡梅牽東閣興窓間岫列敬亭山
瓊華欲報知才盡仙路難追愧骨頑
勉續圖經添尾注病夫端擬卧遊還

讀大明一統志

身在彈丸心四海生逢叔李志鴻荒卷
舒幾許閑文字頭上光陰不管忙

雪裡觀梅

南雪從前不到地，忽看風絮亂梅花。
峭寒不管慙時令，春半湖邊勒物華。
梅蘂今年開較遲，畏寒元不逞幽姿。
天公也作一場劇，故遣六花相映飛。

示學子

士要祛矜字爲功，自畫妨少忘年劇。
矢老覺面猶墻志，苦醫三折名浮夢。
一場未須輕我老，書史味膏梁。

蕭颯松臺迥攤書，了夕昕討回渾己。
討聞所未曾聞，北海掀魚鬣南山炳。
豹文他時閱俊士，期爾挺鷄群。

寄李生熙績

珍重相隨濟勝還，書來又得照心顏。
銀盤幾點青螺髻，清夢同尋海上山。
不倦是音慰索居，行談坐嘯鎮相扞。
向來下榻逢迎地，最愛當軒粉籜疎。
相期券外謝塵縻，除却吾君更是誰。
海上誅茅成保社，機心先許白鷗知。

射虎將軍困尉呵坐乖時命竟如何神奇臭腐相終始未必聲名誤折磨
青弱綠簾歸與晚細風斜雨釣磯寒平生枉許玄真子誰識憂時一寸丹

奉酬朴茂胄惠韻

寒索衣裘渴索湯閑中有味共君嘗只怜尚抱虞翻枉一札寬綸已兆
祥

閱盡奔流鬢已霜身心安處是仙方末由縮地供椒酒空費湖翁一炷香
書詩僧鐵牛卷

詩豈一錢直僧來強索題無營從學失不厭是名低偈自寒山絕禪何雪
竇迷西方真教在如我欲編犀

又集古句戲書

江草日日喚愁生何人不起故園情平生文字爲吾累萬里歸心對月明
暮雲春樹楚天涯蕭索東風兩鬢華無恨心中不平事夢回清月上梅花

欲作家書意萬重空齋無語坐高卷年年點檢人間事山色不如歸意濃
夜風搖動鎮帷犀夢覺前村第一鷄自是不歸歸使得故園今在灞陵西
清時有味是無能斥鷃何曾羨大鵬黃閣朱崖天上事今年聊作小乘僧

釋悶

西堂寄傲也堪珍物色逢年日日新雪巖依微雲樹暝烟沙嘹唳鴈聲春
東臯嘯詠行扶杖南畝柴車欲蓋巾不是徵君書甲子祇將文字頌昌辰

奉酬慕齋贈別韻

不向明時枉做閑自緣後宦喚人還雲沙舊隱平臨水松桂新陰忽滿山
已掃巢痕憐鶴獨重披蕙服出塵間知公也有和調手泰運如今正協環

寄敬夫寓三嘉淨襟堂

睡餘牢落掩重門黯黯清愁意緒昏雅集各窮連日謹離亭交斷一番魂
遙遙瞻望勞瓊樹藹藹謳謠逐畫幡想見攤書臨水鏡病夫無以助清言

卽事示峻禪

山茶科接小梅柯，縞袂依然映絳羅。
粧點貧家元不稱，春風能解世情麼。
多事山禽百族啾，聽來種種白人頭。
雕籠吉了嗔恩怨，醉擁笙歌不解愁。
攤書才勸又扶藜，俯鑑湖光潑眼迷。
驚起沙頭雙睡鴨，背人飛過黑林西。

詠懷

橫岡澹蕩帶重巒，瘦竹疎梅繞畫欄。
恰似樂天歸履道，還如表聖老王官。
沉舟已任千帆過，叱馭寧虞九折難。
誰識涉園成趣味，孤松撫罷獨盤桓。

江霧

江霧連朝作翳蒙，一春不雨但多風。
麥苗苦短村無粒，慚愧投閑飽食翁。

寄安挺然

小梅剛趁月明開，一日巡簷一百回。
豈是花神慳耐久，曉來風峭雪成堆。
照影荒溝渡暗香，浣溪春水入橫塘。
定知觸撥相纍思，分與清愁到病狂。

謝獨峯送琴

梅花落盡坐湖堂雙鳳瑤琴自遠方試鼓春光無限好半邊桃杏已含香
尤物流傳到病翁雲謠曾和曲聲中向來寶惜西河手錦字依稀認不通
楊姬指奪潯陽婦捍撥春風寫驚輪花玉埋光遺響絕檀槽牢落網絲新
少年頗學倚蘭操老去重尋舊譜看却把無絃空寓趣柴桑十載仰高山
風情磨折共無多漸倦紅粧細馬馱長物煩君遣分送不應回壁混笙歌

上巳用白香山韻

梅落都無一片黏依然嫩綠入前簷憶追繡轂尋芳草正趁清沂試浴衫
吟和水禽來近渚思隨風絮亂踈簾不嫌寂寞輕過節衰疾何堪漸瘦纖
書算命僧智雄卷

逃空湖上掩柴荆忽聽楚音倒屣迎便許雲沙真富貴共將茶話打無生
攻得君平卜肆書吉凶懸斷笑談餘憑渠不問前頭路只問殘年與世疎

花絮紛紛散一春意行岡北歷嶙峋青鳥偶效埋金地露電終歸見在身
巴翁道眼久空人內相清明迺出塵見說諸公俱鄭重老夫安得靳傾困
湖嶺竒觀一夢餘故山松月入簷踈虎溪他日非生客三笑應煩畫作圖

孤悶示兩釋

仙洞谿流湛玉壺山花開盡錦屏紆半生懷賞今春過空愧禪談起病夫
世緣重縛似纏蠶投老艱虞轉不堪吉語已占蛛鵲喜便拈桃竹兩禪叅
夜來風雨撼園花紅紫繽紛地上多已慣愁中消節序更堪絕域改春華
誰憐墮穫寄南賓又見汀洲老白蘋謾倚雄心堪破浪鯨魚空載謫仙身
風光不比洛城春寶馬香車開陌塵却似湘南滯詩老崖花檣燕解留人
奉和景游龜城八絕

封殖遺棠表一鄉何曾剪伐替慈祥根蟠后土綰龍蟄影拂秋雲通桂香

南亭子

華構亭軒百雉城登臨渾訝羽翰生不知一覽朝諸勝尚用亭顏揭舊聲

擇勝亭

形爲左輔夾金城精祐還多造物情自是臚仁功利普不勞爽氣越朝生

青龍山

誰能忍母絕牽裾還有殘肢要疾除欲識盛朝敦孝理請看綽楔到窮

閭

漢文閭

葡萄春漲潑醅來鏡面澄泓百尺臺壘麴作丘何用許愁城先向此中開

景釀臺

江天展眺帽欹簷變態晴陰八半簾恣意奚囊窮獵景詩人從古未全廉

買浦樓

堪嗟事去餘塵聚依舊松楸鎖墓園剝落豐碑無復打象賢何處有仍雲

柳洞村

尋真更要塵寰外千樹蒸紅認故家許我升堂知不來會煩金母獻仙花

武陵洞

奉州灌圃韻

不應離索嘆途窮投老明農試課功十日籃輿阻泥潦稻畦蒲稗沒鳬翁
年序侵尋逼始衰枋榆斥鷃更何之天隨杞菊志和釣百歲終期游食斯
一夔我輩足娛老列屋嬌嬈何足誇酒食供餘還晤語兩翁憑仗各持家
苔磯盤脚時投釣桃竹撐腰日涉園向來高位多顛疾不與忘機野老論
夏令半消離畢沱坐愁墊角護烏巾不鋤草逕門長掩遮斷頻來舊雨人
奉和灌圃阻雨六絕

咄咄高詞逼老潛孰知宗派有從來不應久秘玄關鑰要待先生玉匙開
地側沙村鍾水潦盡從湖底覓燕田爨厨沉久產科斗疏圃浪高行釣舩
寓物可觀浮世理榴花總發桂花衰神奇腐臭相終始莫把松苗浪作詩

熏鑪擢縷午烟霏半袒麻袍露瘦肌一枕遊仙蘂棚裏灌溪冠履夢相隨
深於情思周於事佳麗寧須數惱公除却月分三四幅更將何物壽畸翁
小智多慚葵衛足半生剛被利名昏不虞苦海歆帆過破膽鯨鯢相吐吞

奉酬汝珍寄示十首韻

詩來鄭重問何如讀罷清風響頰車曠世知音逢斷鼻出入高義慰迷虛
支離宦業嗟牛後搖落谿山逼歲除賸拂席塵鋤草逕一杯相屬未全踈
天賦羈孤信寡儔向來榮落豈入謀元卿已辦開三逕弘景方求畫二牛
自古淄澠難別味祇今涇渭肯同流紛華戰退餘枯淡身世悠悠任去留
放迹漁樵學稼真京塵回首事俱新晨昇峻嶺窮霞表晚坐平沙壓澗濱
任釣無鉤閑似懶操舟有道捷如神只應衰颯催蒲柳鏡裡朱顏暗謝春
往復詩筒不作踈使君風味正撩予且從表聖逃窮谷莫恠嵇康懶報書
櫟因依社方神拙蘭坐當門已見鋤此理至要誰與說莫辭歸騎到郊墟

黃綬何須歎滯淹一官成集豪多添但消日力供嘲詠莫放秋霜點鬢髯
已遣教條民自信無勞牘背筆長拈還憐節信煩書尺高論終慚獨到潛
紛披老物歲功催觸撥騷懷鬱未開擣練誰家砧杵急授衣何處剪刀裁
秋光荏苒虫號去霜信淒清鴈帶回撫劍悲歌渾不寐紫薇枝上月徘徊
清秋培出鬢絲長閣得羸形寄一床旅望瞻天懸直北朱衣趨殿想中央
秋辭禁樹鮮如錦露入宮簾法欲霜退食周章穿萬馬夢回籠燭照湖堂
創物功深累土沙夸蛾剖剗逞雄誇排張劍戟挽層漢削出芙蓉敵九華
橋斷武陵深洞府寺傳禪印老烟霞自緣衰病妨幽討佳境從來不在遐
布襪青鞋便濟勝真源窮討盪心胸一龕谷裡藏鳴瀑千仞岡頭策短筇
蘿月薄籠螺釋院靈壇深閤海雲容祗今勝侶知難遇安得聯鑣五馬從
病眸剛怕着昏花柰此登臨遠眺何戲馬雄豪心裏刺牛山景物眼中羅
楚臣懔懔挑騷思吳客風流落帽紗但要肯來能作會不應湖曲事藏遮

荅汝珍見寄

湖光瀲灩戰林巒霧罷郊墟展眺寬鶻翻翻雲牀劍吼曉來潘鬢不勝寒
紫薇花襯石榴團翠羽飛來噪未闌病怯早寒披故絮卧烘初日射闌干
體物才高意匠深咄嗟萃屋肅陰陰也知善頌須張老斤斧何時始斷音
無奈秋風入洞房居然紉扇篋中藏丁寧莫掩前魚泣嚙彼陳詩在不忘

示金直卿

匝月逢君底裡開劇談連夜燭花摧求田問舍從吾好逐隊隨行惹衆猜
不管金章身偶綰深虞火宅爛爲災待看富貴方來逼始識奔流自在迴

書學脩卷

戴盆程驛學緇沆猶被鞶韉不自由世界在人無彼此心田於我有無脩
經臨水次飛高葉老惜人情動遠愁筍蕨春來報山信石門幽討與渠謀

哭安水使從坦

尺五門闌望不孤。早拋學究事鸞弧。射鵰絕藝推飛將，鏖戰奇功策遁胡。
已識樓船清徼島，還聞征虜愛歌壺。豈知星彩收精爽，長使英雄惜壯圖。
書松堂嚴大士侍者靈社卷

誰當謀出世，我自愛逃名山。學苑眉透江，偷碧眼明多。能聞法嗣，無說後
禪行。撚斷髭鬚盡，悲吟句不成。

九月十一日獨坐無聊縱筆成詠示金直卿

日日披懷未覺闌，晝多移晷夜燈殘。川塗共月應愁思，莫厭相過罄一歡。
傳呼衢路擁高軒，羅雀門前掃履痕。蒲架詩書玄晏病，書空咄咄與誰論。
風霜潛厲日稜稜，鶻翻翻雲揆幾層。百感縈懷剛自遣，四愁供詠轉難勝。
浮沉半世竊虛名，觸緒無如忤物情。只欲收身歸去早，一犁膏雨趁春耕。
世間傾奪浩難量，榮悴紛紛過眼忙。白社同寮人幾在，青山獨往我何傷。
書籤試拂蛛絲，冒藥裹還收鼠矢。堆病得一閑，天所借。邇來三月畫鑪灰。

安貧已供樊通德失學何如杜少陵世路多岐門似市將心莫問在家僧
蕭朱結綬終成隙蘧甯知非不及災誰識崎嶇在平地太行何必遣車催
不羨明光供制詔不須麟閣寫勲名散人儻拜江湖秩甫里生涯一舸輕
動要人扶行要杖坐痺真費室人憂向來趨捷方爲累未取長途欲罷休
題居昌水亭

欲拋簪笏作農流愧舍行程水館幽橫檻壓虛魚動鏡密林承缺月懸鉤
清時宦拙從居後令宰筵高謬忝頭一餉爲歡何足玩他年春草惹離愁
平波臺步月

十分佳月正盈規綠暗紅稀春盡時步履離離穿樹影頭巾冉冉拂花枝
壚邊俠少朋遊樂湖上羈臣獨夜悲爲問姮娥無意否人間懽感苦多歧
心遠堂夜坐

算來愁病與生俱長夜漫漫未易徂許國已難饒齒髮致身猶得寄江湖

崖松浙瀝驚濤沸沙月分明惟鳥呼收取十年傾奪迹一宵危坐學僧跌
後臺夜坐

仲冬良夜仍南至江月盈規看更完銀闕湧空收薄翳金波流彩閃驚湍
斗邊瞻望真傷遠天末飄零亦足嘆坐到三更窮不寐訓狐三叫髮衝冠
烟沙浩浩望無邊千仞臺臨不測淵山木俱鳴風乍起江聲忽厲月孤懸
平生牢落知誰藉投老迢迢只自憐擬著宮袍放舟去騎鯨入遠問高天

晚望

炎蒸倦晝永向晚啓郊扉遠水浮天去孤雲挾日飛昏鴉樓亦噪獨鶴暮
何依不惜身離索漁樵計未遑

被朝 旨赴京題湖堂壁

面勢寬無碍憑虛豁遠瞻江風披細葛烟雨捲疎簾濠上觀魚足壺中取
樂兼祗因牽尺一終歲不曾淹

冥鴻曹尚書携青玉笛二管求詠奉題二絕

一尺鵝肪染碧雲
湘筠六琯節間分
昭華弄盡三更月
最惱羈臣醉後聞
剛勁清溫化德音
奚奴獨解水龍吟
胡天憶捻驚沙夜
一曲梅花出塞心

賜告錄

過嶺十日抵星州阻漲寓百花軒次姜晉川韻

北闕投章請告來倦行南路轉悠哉月應離畢秋逢潦郭可乘船浪下堆
朽壤久蒸生菌釘平隄暴富沒孤臺愁憂費晷知無柰索破官厨酒幾杯
三農憫雨澤偏慳共訝龍公久養閑豈意歲功垂報稔便教滛潦欲懷山
城臨岳面通雲氣池護樓陰長薜斑滯盡詞臣廈開府謾傳詩賦動江關
一滴瓢傾作漏天旅懷彈鋏日如年已逢鄭驛能邀客更厭王家屢費錢
山壠街頭肥畎澮馬行空裡剝雲烟倦來睡思挑蘄簾絕勝徐公中聖賢
驢背推敲久廢功試尋佳句費書空敏慚曹氏雄橫槊俊憶蘭臺快賦風
生死蠹魚編帙裡句回蕉境苦甜中敢言獨到真知妙輸與名家較異同
己亥八月旁死魄澡浴東萊溫陽乘船發湖陰

八年江海又茲行兩槳張帆拂曉征水落灘頭沙似雪天低樹杪月如鉦

恩深賜告收身遠病阻趨朝撫分驚勞動使君開祖席老來剛解惜人情

壁寺崖

咸安地

平波浩渺浸雲根百尺高楠蔽日昏云是啓卿曾卜地祗今樵牧與銷魂

啓卿故校
河沃

津香渡

鼎津堙塞
不能行舟

人力何容開且塞江河從古自推移鼎津已廢津香顯世事興衰亦繫時
見赴試舉子

踏盡槐花渡鼎津白袍如雨鬧街塵明朝競效千人卷魚目隋珠孰辨真

臂山

咸安地俗傳婦人
襁放皆不安室

臂山墟落臨江迥屈曲清池學字流只是里無貞信俗丘麻傳詠醜堪羞

長峴

宣寧地

仙巖嵴崿埋嵐翠靈窟豁豁翳薜蘿定是山神驚鼓角戛然鳴鶴掠舟過

林乙巖

地咸安

翠壁丹崖浸玉壺插花臨水更清妹只應却略無人賞付與鷓鴣管嘯

阿堅淵午餉

地咸安

瞰水行厨開穿林布幔張帆輕下瀨疾山好揭篷忙行役償餘債風烟恣
異鄉不堪前度想臨眺更情傷

城堂渡

地宜寧

兒女同舟艤樹陰當時牧笛和拏音祇今夢影重過此衰白臨風一洒襟

歧江

山宜寧靈界

浪高風逆滯孤舟暮日歧江泊岸頭却似交流汴泗水欲憑危處壓黃樓

步月

是夜在望

涼颼颼颼動櫓舫桂影初分闊岸隅十二圓中今夜最一千里外老臣孤

洗空露重團銀闕息繡波恬湛玉壺回首瓊樓川路廣不勝寒氣襲清都

景臺原漆地

龜島奇巖樹木濃荒臺高插暮雲重破閑當日相羊地物色分留與獨峰

獨峯李仁老李長吉

幾浦一名買浦漆地

蕩滌平波下瀨遲棹歌聲裡小尋詩危樓隱約層崖上憶得銷魂倚柱時

烟籠月小復良宵相見梅翁意緒饒數百年來佳詠少老夫無興續寥寥

林巖淵昌原地

配月殘河欲曙遲荒鷄剛叫落帆時試停柔櫓尋歸夢已被潮生急解維

守山新亭蜜陽地地主有約不來

地勝人非勝亭新政亦新躋攀多費力眺望劃怡神喬為慳行縣陳樽不

因賓却教樞府掾剛被上樓墮

覓禮雜詠

地密陽

沙埋野日成氛漲風捲江波作雨飛
揆施無由施巧力茫然四顧竟安歸
聚落盡依岡壠斷橘橙多補樹林圍
慢牽弱纜沿崖去無數人家水半扉
磯頭漂統誰家女潭裏扳罾是處郎
蟄戶無田漁作業縣官毋乃重征商
地側東南江作塹水多平地少行人
秋風剛及蓴鱸至更擬春來採白蘋
長洲秋晚蘆花吐雪絮彌望鵬夕陰
安得棹舟相近去葦間隨意聽挈音
阻風投泊都要渚

地金海

向夕風顛甚沙昏眼不分江聲斜濺
磴樵路細通雲潮近溟波迅腥從販
舶聞村醪賒取便愁破倚微醺

都要渚書事

輟從金華佩竹符雷封民物八型模
向來省事旌殊政簞食何曾飾客厨

主屬地

淫潦懷襄蕩析餘蕭條閭井改當初遺民莫苦歌鴻鴈撫集功收史可書
高會當時勝事繁鄭莊賓驛孟公樽江頭重到懽娛地逝水難招不返魂

憶趙國
彥使君

蓐食侵晨不再炊紛紛兒女強啼飢老翁要索驚人句危坐蓬窓只撚髭
通宵失眠卧連衣掀簾孤蓬欲揭飛始信飛廉肆陵虐欲將書疏訟天扉

上龍堂

梁山
地

朝曦吞吐掣金蛇鋪簾磨銅萬頃遐百丈牽船催上峽茲遊不愧向人誇
芬苾時修按舊經功孚廣利殿南溟喬松巢鶴認祠屋來往舟人盡乞靈

臨鏡臺

梁山
地崔致
遠所遊處

強討儒仙逝水痕杳然笙鶴已高騫飽風帆去空傳詠誰識衰翁舊案翻

黃山江

梁山
地

曾讀金詩識此江顛風船石日春撞我今歷險如齋閣八九心胸未有降

粉榆餘故社來徃道爲便沙島歡迎客村童鮮刺船盡窮山控峽行近海
浮天笑傲風濤裏書生亦太顛

東院

地梁山

東院傍邊斷山趾亂石如林駭人視縱橫昂伏似白羊安得初平來叱起

下龍堂

地梁山

登臨搖落九秋風一覽天光櫬海中七點若供殽案釘三义直作鏡奩空
已從葛飯連朝闕豈意杯觴五馬同欲趁潮肥催鮮纜蓬山猶隔晚雲東

杜浦

地梁山

黃蘆蕭颯戰寒潮風定籬根繫短橈但有魚蝦供日給不隨田里辦租調

甘同浦

地東萊

忽逢林麓斷供帳跨山椒寫鹵潮回濕烟霏日夕饒松楸瞻却近父老喜
相邀從昔漁樵念今來轉覺撩

初入東萊城

橙橘青黃夾路長，連畦穰稬未經霜。
非生却踏城東路，愧殺麇狂老更狂。
清樽紅燭使君會，白髮蒼顏游子鄉。
醉卧蓬山滿簾月，幾人忙世得逢場。
譙鼓頻傳又柝聲，夢中雙闕驚崢嶸。
宣催賜對延和殿，蓬轉身猶卧海城。

海雲臺

東萊地

仙去臺猶峙，風恬海不驚。
非生來已熟，不盡意還傾。
鞭石終安就，填波竟未平。
日斜歸更懶，回首杳蓬瀛。
花木冥迷合，雲濤指顧平。
猶煩我輩賞，更閱幾人行。
天迥笳聲徹，霞飛舞袖明。
壯遊殊未愜，徒有望洋情。

溫井

東萊地

沉痾爲雪靈泉至，告滿猶期見異功。
地底火龍嘘煖熱，盤中玉液氣蒸烘。

振衣便學楚臣潔，晞髮將簪禦寇風。
直待身心無垢累，超然歸并九霄宮。
泔泔初覺悶颯颯，轉教開却有疏黃。
力寧從火井來，精堪煮白石潤可長。
青苔已疾神，仍爽童顏便擬回。

浴舍對山鄉人又致海味戲書二絕

浴罷風軒重下簾，晚雲籠日壓前簷。
愁腸不為思鄉割，一任群山似劍尖。
鄉人日補行厨缺，蚶蛤魚蝦異味兼。
病意羅羞還自笑，書生口業只齏鹽。

曉義寺

蘭若牛鳴地，兒歸薦母齋。
游魂無不至，神力動應諧。
香滿禪寮肅，鍾鳴法供排。
爾今能報速，吾老可強懷。

喜鄭仲遠

仲遠名源，任昆陽為清道郡。考試官為來訪，我故云。

休嗟墨綬滯鄉閭，露冕終期致大官。
自古清明例多謗，祗今鸞枳衆交嘆。
正勞撫字連收最，盡去毛皮了釐懽。
夢裡相逢難袞袞，一杯誰復肯留殘。

與仲遠展掃華池鼻祖墓仍合族叙飲地主亦來會坐間荅宋生員
承緒鄭宗人緇賢韻

流年冉冉鬢蒼蒼老去持身闕寸長霜露初懷宿草感尊壘又對菊花黃
榮慚畫錦誇三事饗重風仙饋五漿珍重來雲裁剪伐勉留松梓貴茲鄉
九月二日浴罷離溫泉過只火峴

攻疾愆新效乖人任舊慵試辭泉甯沸還度嶺龍從控戍城池杜侵冬樹
木濃多情唯鼓角送我過山重

上到峻嶒百八盤回看積水浸雲端
危不管輿人跌博得生平一大觀
剛風縹氣浩漫漫飛動詩魂海宇寬
流峙不隨人世換百年能得幾來看
謙老臺空餘石竈蘓仙宅古翳烟蘿
靈芝不長霜毛逸霞佩何時月夜過
茲遊婉戀轉難忘年到知非始返鄉
百歲魂遊定何許故亭瓜圃草荒涼

遠祖高麗僕射鄭叔謫居于此種瓜
蔭蔓為草亭援琴其下作菰亭曲

自杜浦舟行抵盆城佛巖雜記所歷

滄涼初上日三竿指點盆城霧裏看極目烟波孤島遠刺船鷗渚晚沙寒
荒山石塔猶經劫故國金甌已失完興廢相尋生感慨雍門何用發哀彈
蘇山渡口停桡晚取意輕輿踏軟沙繚徑巧緣陰磴曲雕欄高壓海天遐
經營見說勞心匠輪奐爭傳起咄嘆徕倚幽香來拂袖半簾秋竹隱疎花

柳河東
別業

江回峽斷海橫通地主來迎鼓角雄風約檣旗西北擲先生妓舸沂洄同
高談正脫王家塵佳句仍傳白守筒清興未闌挑去思路穿橙橘嘆香中

地主
出迎

家家脩竹翠禽啼官路迂迴護閘堤首露陵荒秋草合神魚山迥暮雲低
當時賦鵬人何枉此日尋壚我不迷却恨樓空花萎地杏樑無復燕爭泥

叔父鄭頴樞所請
康府有燕于樓

過德橋有懷魚彥深

嘹唳蘆叢叫鴈群，平波澹蕩浸秋雲。五遭來往今頭白，延佇橋邊不見君。

赤梁午憩

別酒曹騰睡不禁，偶逢供帳寄閑吟。興人謹叫催歸去，一半青山送暝陰。

宿自如將過新豐戲書

欲憑幽夢到華胥，散髮風軒卧自如。美酒新豐堪貰取，只無人解解金魚。

宿檜山館

先君曾守此庚午春余以弘文館正字請告來觀

城池并落故依然，屈指曾游已卅年。紅葉滿街官路細，青山障日樹陰偏。鯉庭趨對策多感，鸞掖承恩倚少年。問舊驚呼零落盡，酒壚無處贖青錢。

過合浦營

三千組練夾登壇，謀帥從來在慎難。累備薦書慙授鉞，棘門應作堅儒看。

余累擬元戎故云

月影臺

崔致遠所遊處

邦危曾上憂時策氣死還傳檄寇文正坐高才多不偶泰山天嶺惜符分

三處荒臺

臨鏡海雲月影

迹一般雲飛水逝杳難攀肯教物色分留我爭奈生遲

骨亦頑

萬顆經霜櫟實黃巧緣湏遣黑衣郎苦遭官禁無多取分付游人撼遠揚

臺有木瓜樹

宿八鎮館

傍海孤城暮譙樓迤照懸民居聯蜚戶山氣雜炊烟下榻逢殊遇羅羞直

幾錢殷勤伴清坐唯有月當人

無悶堂

鎮海村堂

湖邊試輟扶犁手海上還思舞鳥親只是鳩巢功誤拙可辭竭蹶劣容身

明螺島近長凝望點芥舟輕不見津坐看桑田變深渺高翔霞佩控驂驎

宿巴山館

空城寂寂吏人稀倦客歸來葉滿衣
悄無燈火鉤簾坐一點殘螢透幔飛
天畔逢秋恨轉新悲笳嘹唳起西鄰
樹頭雲破初弦月步盡樓陰不見人
春谷朝餉

有與兀兀歷嶺岼屋脊初曦轉幾竿
夢斷黃梁才報熟又牽歸興擬吟鞍

還湖陰

九月初八日

魚鳥應勞喚我還往回才抵兩旬間
病如薙本知難拔心似雲根覺已頑
灘閣野航無客渡雨荒崖菊待人斑
不嫌告滿須停俸靖節生涯只閉關
被微還朝卧病中原遇雪感懷

初驚潑水重衾冷旋撲飛蟲薄幔搖
尾壠堆鹽高岌紫庭柯吹絮影飄蕭
凍吟竹屋難成句積瑞龍墀競獻謠
境到中原江抹野天低縞帶望中遙
壓多簷角飛花撒累盡庭心聳嶽危
檣頂飢鳥啼落泊草間藏兔眼迷離

孤舟笠重橫江暝半醉春添擁妓時老大無才供授簡梁園何處賦新詩
頻添熾炭不通溫三日中原密鎖門簷雪融成終夜滴墻渠漲作去年痕
五千舊路憐長在半百餘生恨苟存館穀豈為營食費枉教將息愧君
恩

世未相忘自作疎勞生翻似中鉤魚豈容中禁饒鷄樹且任衡門待鶴書
萬事會須歸夢幻一官終不換耕鋤西風舉扇遮塵土何日與公返遂初
一受成形心便役膏因明誤自相煎未齊小大芸芸物已了窮通憤憤天
歌缺唾壺嗟驥伏書殘空字只函傳從誰借得飛霞佩裏白蓬萊問衆仙

早發中原

連宵木稼仍蒼雪杲耀川原積縞圍白鳳聯翩迷去路瓊花璀璨眩朝暉
騎驢凍逼詩逾警入蔡功高策未違體物非才詩力退謾追鹽絮損天機

書賜告錄後

賜告編成錄吟殘付默存
餘生真一贅短世已三奔
佳處要堪領閑時案
可翻未由均勝踐回首望脩門

生平踈蕩氣局束生成翕
快閣雙詩眼平波一釣蓬
孤雲分勝境旦始借
冷風汗漫經行迹都收小卷中

庚子錄

積雨暴漲墻多壞叙悶寄安分

抱關營食靈潭頭十日驅馳一日休坊郭滑泥晴沒馬渠衢漲潦夜侵樓
未成抽笏還丞相空解操音學楚囚拋却釣緡懷舊侶西風吹起白蘋愁

復疊前韻

拔得喧卑架拱頭略容歸浣鮮衣休可方陸氏三間屋豈擬元龍百尺樓
枕股睡濃鍾報午不冠慵放首還囚未嫌桂玉謀頻鑒自是長貧任婦愁

戲題新舍壁

從來大隱市朝間十尺堂成壓闌闌大廟松行青刺眼道峯山嵐氣淡
籠髻優游卒歲聊諧願起倒隨緣且保閑易得所求吾事了一裘平仲未
寒慳

復疊前韻二首

九分頭白是非間又卜新居近市闌續續題詩收亂稿纖纖捧盞欠丫鬟
勞生浪作十年調末路都無一日閑度度逢君談竟日所期鷄黍破相慳
臨老初無屋數間晚將甕牖鑿通闌子雲寂寞猶懷祿通德淒涼謾擁鬟
且可都拋身外事會須能辦死前閑却饒一畝寬容膝誰謂吾人破秘慳
苦熱感懷

滿街車馬漲游氛鑠景流空疊火雲地爆作密思欲爛汗揮成雨動爲群
省曹思告難隨賜殿閣清陰敢望分只待秋風塵暑溽桃笙紈扇已無勳
七夕感懷

碧梧飛葉報銀床靈匹今宵罷悵望雨洗香車脂轄急河填神鵲架橋忙
世間遠別人難合天上佳期歲有常無路乘槎問真境曝禪消得阮郎狂
曉臥聞蟲聲有感

四序流環各效功涼飈忽忽替炎風頓添華髮知無奈試攬纖絳覺不中

葵藿心頭猶嚮北江湖馬首幾時東夢回簾幕燈生暈只把悲吟和叫蟲
直舍苦雨寄示安分

半月妨農雨冥冥鎖北山酒傾生醖澁衣疊着蒸斑卧穗拋郊外跳蛙產
竈間直廬欣夕霽搜句發天慳

想見巖居迥平湖半浸山孤蔣經雨脆薜荔得秋斑散策嶠嶽上竿舟浩
渺間更須名遂去休坐鬼神慳

曉起有感

久雨新晴頓覺涼夜深風露攬衣忙星芒閃爍低當戶蛩韻淒清亂近牀
病後東陽驚緩帶老來常侍苦思鄉孤吟屢闕終無寐鍾漏闌珊報曙光
病起奉寄屏巖

莫恠屏巖路久蕪朱門行馬却趨超病間剛及花殘後
寵過猶驚霍霍退
餘夢裡風泉遶八耳座中談麈正揮予烟霄不隔身閑慢轉覺深情未肯

湖陽先生文集卷之三

疎

久拋鉛槧事耕漁重入脩門謗未除
通貴問窮忘委巷勞生於世愧遽
精收易水霑分璧銳取中山要鈔書
只是江郎才告盡略無華藻頌新居
北郊祈雨用柳子厚黃溪禱雨韻

澤愆陽鼎元宸慮憫菑畬虔祀祈
陰貺齋心假太虛郊壇直坤位巖洞
闕神居雲漢瞻方切吁嗟望未疎
靈儀衆陟降裸獻罄終初露禱回天
際桑林引咎餘雲師騰嶽氣電母掉
雷車滂沛蘓群物功須載筆書

關東日錄

暮秋上旬發

京夜宿平丘傳舍

是日冒雨

平生詞學盡葫蘆不讀堪輿一卷書
龍虎分形真偶甬勝裴閑數竟何如
灊陵暮雨沾衣宛長樂晨鍾入夢疎
王事委身輕試險敢言空館食無

魚

楊州廚供潦草一行有飢宿者

車踰嶺

繚徑通雲表山深日午寒
綠黃經熟稼場抑激清灘吟苦秋蟲叫形癯
病鶴翰車踰凡幾嶺龔使易名難

西路有車踰二龔雲岡一嶺曰高踰

仇谷驛

脫險純官路曠然情境舒
山晴明赤葉江晚落清虛
飢渴心元熟驅馳氣不除
平生行役債高卧敢求餘

蠶室午憩

青山斷處峽橫遮，擁樹爲籬八九家。枯桔登場成穡事，甜脾滴課放蜂衙。
已聞射獵多虞戶，更見帆檣簇鴈沙。老叟問年書及字，日斜聊置去程賒。

加平早發

解宇偷他小有天，使君紬被放衙眠。不知經始年多少，唯見槐根出道邊。
通宵土榻換春溫，睡美還虞至日暎。眼纈紛紛燈暈爛，夢回猶自續殘魂。
危磴臨深打早行，繡衣逢着小淹程。平生歷險元吾事，不待山蹊已自驚。

金御史瑞星自
江原竣事道京

抱回遷春川府地

素練平鋪地，蒼屏斗挿天。直須愁過鳥，何止慢臨淵。魚腹防顛墜，羊腸困
繞旋。垂堂與叱馭，料理一愀然。

安條驛

山郵漠漠鎖烟嵐，賴有簫聲作指南。呂枕黃梁纔報熟，半生迷夢破昏酣。

席破峴

蛇退猿啼線路通霜楓杳杳政酣紅
炎官火傘行彌望解道山河錦綉中
郵人喘汗似珠融羸馬慙收代步功
上到危巔臨澹谷忽疑身世御冷風
春城尚隔路千重積皴微茫一盪胸
遠樹依依如薺短白雲橫抹露眉峰
自加平至春川連日霧重不能辨路

連朝岐路錯西東嵐氣相兼霧氣濃
善幻公起神與便指南黃帝戰收功
嶺雲淪淪寒猶縱山市戎戎晚更籠
我自欣蒙不知潤未應車轍哭途窮
望清平山

清平翠黛薄晴空神役眞游半百翁
問法息庵虞禍及托緇清隱坐時窮
累輕婚嫁遊方外身謝軒裳免穀中
嗟我暮年思結社不知誰繼二家風
高麗李資玄號息庵本朝金時習號清隱皆隱此山

小酌昭陽亭示從事羅晦元

崖徑通江渚秋蕪控野橋樓明霞彩徹沙疊水光搖已斫銀絲膾仍牽錦
纜橈茲遊可無記持以壽吾僚

春城覽古

猶國江山戰伐餘金甌已破但丘墟人耕古壘壕曾塞龍去寒潭水尚瀦
詰手逆鱗終左宦貴游前習透真如不須更洒新亭淚今古興衰屢廢書

高麗詞臣崔倫以諫忤旨謫守于此李資玄辭榮學禪隱清平山

伏出遷

崖路水漲則人從石竇蒲伏以出

森然劔戟石稜尖朽棧臨深繚徑纖莫苦山蹊虞險澁畏途平地轉難恬

富昌驛午憩

峽雲行雨黑巖樹得霜明小憩鷄鳴午羸驂已戒行

綽楔題純孝全親事最高民彝無處泯初不待旌褒

傍趙孝子綿閭

沙岵

穹窿石鑄圻天困更着崩崖東亂岫沙脆土浮茲嶺獨譚鞭如踏軟紅塵

水仁驛

楊縣地口

亂山愁問去程賒風幔離披日已斜誰會客亭閑意思翠屏吟對當還家

亭對翠壁
最爲奇勝

九月十四日宿楊口曉雷雨

阿香隱隱掉雷車山靄纔分作雨初
萎葉俱鳴聲殷屋殘溪暴漲響循除
坐冠自是逢威際失筯非關震物餘
曾不終朝還寂若老夫推咎謾徵書

馬轉遷六言

棘枝刺眼橫路石角向人鉤
裾攀險愁顛駟騎臨深恐葬江魚

方川驛

客亭長短倦西東老動星軺最不中
破卯征衫穿霧濕更堪山徑振枯風

大利津

狼川縣地

清江先生文集卷之三

峽束晴波落半空扁舟常策濟人功蒼崖政值蕭森景不見千層躑躅紅

狼川曉發

小夢還家後殘宵打路前床頭燭餘寸窓外月仍圓局裏多輸注名途懶
着鞭閑忙兩無補何日賦歸田

青女今朝惜山寒向曉加孤裘勲始策繇襖暖無多行李妨身病乾坤着
路賒驛程何處是呼酒定愁魔

馬峴

金化縣地

馬峴之南路頽夷千章樹密葉丹時春花未必勝秋物錦障旁圍十里陂

新化院

臨澧水魚
院可數

細水來葉潭鏘然觸佩琚靜時沉委鏡奔處咽循除色可明心瑩聲謀入
聽虛對餐思及物分減施游魚

宿金化館

山斷開寬壤官居似野家柴車聯曲陌鳥篆印回沙井落紛無數田園亦有涯鳴笳穿暝路驚起滿林鴉

通化院午憩

野色蒼蒼入望遙偶逢供帳引星軺秋山近路如相媚寒水無風亦自搖萬里南征文藻短幾時東首馬行驕泰封割據遺墟通流峙環朝氣衆饒

泰封
高國號

東州雜詠

斯羅籙訖輸窺竊狼顧鴟張反噬多謾據形便資躍馬不將溟海復爲家風雲已借蛟龍勢臺殿翻成燕雀窠回首楓川餘片地後車何限戒前車從來一目無經遠養虎終輸底定功但假觀心忽滯虐誰憑落筆啓英雄楚靈大福時難再漢祖神戈業已洪授麥圖生寧捲土飢魂無面到江東栽松廣漠極茫茫蒐狩先朝舊作場祗爲觀兵修武略寧論較獲縱禽

荒戰危忘講難圖猝賦誕嘲奢未必亡
願寫虞箴張座右放教閑地遍耕桑

高秋作客易生悲何況東州嘆黍離
祖宅荒餘故疊泰封都破但遺基
丁仙化鶴人俱換薊子摩銅世幾移
天地何心故培覆只應芳臭係興衰
平野黏天控北寬孤雲飛盡極遐觀
高高下下宮基廢整整堂堂陣勢盤
曆數有真歸混合風塵作霸誤偏安
興亡滿目都成恨澆破賓朋盞底乾

北寬亭名

再舍金化館

復借花山榻安眠了五更初聞窓外雨
錯訝葉間聲黯黯迷歸夢悠悠滯
去程如何釣竿手遮日又東行

花山金化縣號

金城館夜坐

未諳金壤境昏曉取途難坐久風難厲
吟餘桂燭殘關山連朔漠兒女憶

長安只喜尋真近明朝試大觀

時將入
楓岳

昌道驛

金城
縣地

傳舍東行盡打頭今朝披割寫羈愁只應易變山中候雲日淒淒雨映樓

觀音轉遷

線路通崖面旁臨百丈淵曾顛馬郎婦神力不能堅

往往摧車馬尋常在陌塵山蹊非履險驚殺虎傷人

通溝偶書

金城
屬縣

却訝山無路還逢地有盤仇池曾夢到谷口可耕寬屋古人多閱征賒俗
自安何當誅瘦壤食力勇拋官

悄坐人初定微吟句忽圓秋聲妨葉盡夜氣喜帷穿已辨烏藤杖行參白
足禪入山從此始高下恣窺緣

自通溝抵斷髮嶺雜詠

宿霧崇朝暗冥迷失近山山靈應作妬牢鎖白雲關

嶺去楓岳三十餘里地極高迥正對楓岳

目面

只勤開嶽禱誰復指南行會見游氛掃諸峰聳晚晴

與山我無分頭白束塵蹤收得伽椰債來償雪立峰

如伽山在吾鄉一舍之遠猶未一遊

斷髮昔聞嶺撐節令縱觀誰能憑巧曆爲我數群巒

一宿來仙洞心疑隔兩塵何如緩嶺上揮手謝時人

下嶺戲題

淮陽府地

繚徑臨千仞前驅脚底行真成地中角隱隱答山鳴

半捲雲拖幔依稀露玉尖天公戒多取應要助吾廉

山本接元氣青青浮四時如何獨尚白千古不磷緇

仙界在高寒剛氣凝露溥長留太始雪杲耀駭人看

丹盡山中族雄奇說不殫直符杜陵語方丈在三韓

新院

玉奩涵得錦屏圍
霜染楓丹故發揮
到處詩材來眼底
不勞髭斷足天機

途中

徑微如綫出穹林
松檜無風晚籟沉
不到招提深省發
數聲雲碓隔溪陰

長安寺次稼亭韻

不用鳴騶導我前
祇園知在上方天
偶遭減劫功虧一
歛渡迷川路隔千
箭筈車箱衆輿阻
蒼藤翠壁費攀緣
高僧莫訝煩來往
結社遺民本解禪

稼亭高鹿
李穀號

又題二首

經始茫茫換劫灰
幾回輪奐幾摧頽
福資奇后窮捐施
文耀韓山備拓開
淨界久知爲法護
驚攸無柰作魔災
殘僧豈辨恢緣勝
安得澄觀起廢才

元奇后遣使施財重修此寺李穀爲
撰碑文寺於今年初遭火只餘一殿

借得蒲團愜素情
夢回簷鐸靜無聲
試聽道妙神彌警
暫脫塵嬰累若輕
僧粥曉隨齋鼓動
禪心朝趁戒香清
年過半百纔償債
不到幾虛過一生
出寺途中

昨日氛昏敗意來
今朝澄穆出山迴
世間人厄非天意
天不違人禱輒開
拜帖

瞻望山門起敬心
令人不覺整衣襟
舊時鐘梵今無處
唯有風杉送籟音
此上舊有鐘閣今廢

神琳寺

千偈能從口角翻
齋心何似默然存
荒苔滿院無人迹
除却風聲是鶴言
寺有僧法玄
燕信垂十年

天親庵

丹艘莊嚴費施錢
戒香長浥小乘禪
不關問法唯須坐
貪聽齋厨落筧泉

正陽寺真歇臺

一龕形勢落空臺勾引吟眸至日頽
鰈糝峰尖平睨竦蜂房僧戶俯看開
曇真現相人天動麗祖修緣棟宇環
故實無存詩力退正須圖畫帶將回

寺後有曇無竭現相臺龕祖為掘此寺

寫宿西寮有感

半日逢僧話三生結淨因香燒大士殿燈點祖師真
蔬筍難逃債詩書適誤人定知房次律今始悟前身

升有四日曉雨至晚輟行清坐戲示魚生

昨日看山殊了了下窮谿谷上嵒嶨都藏萬二千峰
盡雲雨如今太不情振鷺跳珠激瀑音芒鞋共擬踏溪陰
明朝放霽尤難料却恐詩人恣討尋

三藏寺

偃僂迎門衲半肩梵書真偈愍安禪入山歲月憑渠算
恰在吾生始降年

僧言入此山五十年

修善庵

蹄滑霜蹊馬不任
籃輿緩緩下烟岑
逢僧小話燒香炷
一任前山落晚陰

奇奇菴

細水冷冷落澗阿
高僧出定伏閑魔
靜中道妙非言盡
試借三乘爲講磨

表訓寺

開山創宇自何齡
道眼須知識地形
奔走人天圖法會
降釐香鉢荷皇靈
風泉作雨來賓榻
客夢還家攪塔鈴
一宿那禁重有約
移文還恐勒山庭

庭

僧表訓

初寺因名寺有釋

金輔

等燒

香懸

彩幡

圖

萬瀑洞以上紀所見

玄陽樓空山擁戟
火龍移久水春潭
架巖爲室懸危磴
累石成龕禮古臺
高座講虛餘異類
休言衲在失同衆
清遊自昔官爲累
何日抽簪得繼林

金剛臺舊有玄鶴巢普德窟架虛以銅為柱其上有火龍潭摩訶
行前有曇無竭臺安像于石龕妙峯庵無僧獅子庵有默言僧

金剛臺鶴巢

胎仙閱世羽衣青警露餐霞養性靈隱見隨時何足訝應緣緇俗有昏醒

觀音潭

云是觀音浣幌潭泓然窪注碧按藍至人靈變誰能測化婦金沙或未慚

手巾崖

崖面兩苔滑下臨溪谷盲挽藤真辨命顛墜一毫輕

普德窟

當時現相事難明鑿石安龕謾俗情却是金剛身不壞更須為屋庇陰晴

火龍潭

潭上懸瀑三級最為奇絕

幾道飛泉竚匹練渟為輦金瀉為簾乍看熟視形難似一曲千回坐未厭
轟奪雷聲驚耳殷濺和山氣撲衣霑謫仙豪思徐凝惡試闢天真退筆尖

獅子巖

獅象元爲護法神靈峰惟肖奪天真胡生小數知難壓哮吼聞時已竄身

宋胡宗旦
欲壓此山

摩呵衍

龍領真區畜在精梅檀環列號香城洞天久秘青鴛境福地潛通白玉京
法座拈香衆道味鑪灰撥芋荷僧情自嗟官繫如禪縛分與閑忙問去程

道說云龍領下一區最為勝地即此
寺又衆香木擁護一洞邪五香城

余游楓岳僧智峰雲熙道羸洞允道圓了玄學能志林等從行情實
有不忘者聊書二絕各付一通以爲他日面目云

半百衰翁亦太憨曾同八釋得窮探不辭迺負添飭力留作山中一劇談

是日余足弱令
僧徒送負以行

摩訶普德復龍潭夢裡歸來不了諳半日相隨皆宿業他年喚我作同參

楓亭午憩

纔是仙區濟勝餘，形神却訝改當初。山中不辨彌旬月，正坐巖程畏簡書。

梨嶺下小酌

高城郡地

山寒勾引倒深杯，酒味撩人眼不開。到得龍天猶睡着，上方鍾鼓忽驚雷。

宿榆岵寺

西竺諸真渡海來，開山崇構便崔嵬。累朝願力恢金界，三寶神通鎮國

災。智水長清迷惱淨，輪燈普照障魔開。法中龍象今難得，喚起當時理辦

才。我世祖幸此寺，命僧學悅改營之。

檜栢杉檀欠別材，蒼雲滿洞擁平臺。廊回閣迥初迷向，鼓動鍾鳴轉作雷。
塵念掇齋神頓醒，僧茶洗睡夢先回。殘年擬結香山社，洛下休官更賦來。

狗峴

氣候纔分一嶺知，海濱風物似春時。匹如大廈梅花信，便有南枝與北枝。

緣空鳥道通雲表人馬愁攀汗瀦流山下尚留廬宰井滿瓶冰雪沃乾喉

山下有廬僭井

京庫高城郡地

憇房強號為僧舍只合田家著野翁坐久忽挑鄉思起鬱金香動綠筠叢

俗傳五十三佛渡海憇此故云憇房今稱京庫

高城館

驅馳天畔少知音感慨登樓動越吟回首龜峰碧雲合日邊無使獨關心

龜峰郡鎮山

暮秋下旬有七登四仙亭晚泛三日浦呈晦元同事無示從游諸君

子四仙亭郡安祥

回環升里澹微連澄碧平涵半壁天孤島巧當湖閣起疎松解障日斜偏
當緣妓舸黃蘆外依約漁榔白鳥邊消得百年猶未足誰言三日枉留連

四仙道此三日
不返故名浦

點數碧峰如髻列認摩丹字半苔封仙歸弱水今三淺律變清商近一終
四座賓朋驚聚散百年奇絕系踈慵茲遊才盡難收拾領略猶思夢裡逢

浦上有三十六峯浦南崖面有
丹書六字曰述即徙南石行

復題

吳體

水落回汀岸痕挈舟演漾並沙村萃亭籠燭舞回雪蕭寺清鍾燈破昏
卜晝未妨仍繼夜百杯猶許送朋樽樂不可窮且歸去有爛明星應在門
是夜令妓隊秉燭就亭上施舞從湖船望之甚
奇夢泉寺在浦上數里許點燈鳴鐘亦一奇事

南江

清遊窮後浦佳賞復南江跋扈魚跳一衝人鴈起雙天開雲縱嶽蓬缺日
烘窓亂酌醒堪解羈愁又受降
江上石屏遙迤里許躑躅蒨當
春秋最奇回望楓岳正對面目

立石

今娥剗剗移楓岳雪壘雲堆擲海中龍虎騰挈入偶語未應叢石擅奇功
此行路迂不見叢石亭

太康驛亭 高城郡地

十里松行繞白沙離烟起處是漁家山中東視崎嶇裡今日雲濤縱目遐

凌虛臺

鼉背冷風挾腋登腥雲送雨亂如繩笙簫滿耳蒼髯偃氛霧漫空紫鳳騰
萬里粗酬奇氣了百年長憶壯游曾茲行刺荷天公餉賤謝無因愧不能

阻雨清澗驛亭望海 杆城郡地

汗漫天無壁色維地有涯欲窮章亥步翻落井蛙誇變鹵曾恬恠揚塵會
起嗟風濤真不穩愁坐至昏鴉

戲使襄陽故事

卅載茲遊入夢思祗今無柰髮成絲大隄不復驚郎艷峴首猶餘墮淚碑

佳句受尋驢子背放狂多在習家池荆南鰈海雖相遠且作風流此一時

洛山寺

襄陽府地

寺界窮波地接虛上方臺殿壓歸墟銀山亂碎憑夷窟貝闕中涵海若廬
靈感修因開淨域人天鍾異護僧居軒窓一覽通暘谷紫氣輪囷浴日初

河趙臺

本朝河崙趙浚共遊之地後人因以名臺云

凌虛臺上逢微雨河趙峯頭看晚晴風色偶乘今夕好登臨還想昔人情
名惟不朽傳悠久物固無窮亦變更只愧往來渾漫興峴山羊子莫愁生

洞山縣

襄陽府地

擁得笙歌導火城兒童拍手慣將迎酒闌恍卧重溷上風捲鯨濤夢自驚

鏡浦臺

湖明海暗隔平沙華構巋然管鶯霞盛禮已煩供地主勝遊還喜着仙家
天啣浦日沉烟岫風簌蘭船閣岸葭欲借魯戈揮退舍恣搜佳景向人誇

臨瀛館詩板韻

往事追思卅五年白頭重到意茫然祇今存沒銷魂裡依舊江山展眺邊
鏡浦清遊嗟老退丘山恨別慘風烟嚴程未了經行債試把推敲學浪仙
木界途中用扇對格

昨日海埂行曠蕩雲濤浩渺極天寬今朝谷徑穿深窈榛莽冥迷礙馬盤
世上險夷嘗已盡客邊淹速卜應難猶將所歷添詩卷持向歸田老去看

宿臨溪驛

江陵府地

山行疲輦確谿渡怯奔流疎壁危千仞新蟾曲一鉤鄉音僧道改官况病
催休悄坐烟林近昏鴉送暮愁

新遷驛

在臨溪前

萬疊丹崖碧玉流萋萋芳草想春游無人送別臨溪水跋馬沙頭獨自愁
詠石口號

異狀依然石押衙神鏤鬼剗妙難加奇章甲乙元章拜付與詩人定等差
過柳站

詰曲循山坂逶迤出水灣峽雲籠樹薄沙雨點衣斑行役神傷遠詩篇懶
未刪茲遊元不擬隨處飽清閑

鉅峴

鳩嶺之南鉅峴西山中景況儘堪題樹當暗谷爲門偃葉駐殷紅照客迷
幾股流泉危棧滑一聲高角夕陽低桃源物色歸來是何處丹崖更可梯
宿丘山再用石礪韻

河梁苦淚落傳庖千載傷心若一時枉爲閑情題恨句誰言石礪解將離
冒雨登大閼嶺望海用唐太史石門嶺韻示晦元

侵曉登攀百八盤宿雲籠日失團團劒門側耳後何苦庾嶺衝泥雨未乾
筋力已嗟供世事賢勞還悶誤儒冠共來贖博胸懷大笑把東溟一勺看

古詩集卷之三

橫溪驛

苦說風霜早畬田費火耕民無半歲業地有不毛征詢採酌軒事寒飢節
屋情所憂非所職何以徹 聰明地近高爽每冬雪深數丈三月始消八月降霜居人惟種粟麥

題權上舍士鈞堂用前人韻

橋門同鼓篋別來年紀多抱才壘上聞幾回開十料食力不愧天豈願鍾
鼎羅浮雲固戀岫棲鳥終安柯何意過逢地諧賞穿雲霞飛泉鳴玦環更
須夢琴歌靜夜對禪話愜意陶天和只嫌嚴程迫悵別情如何世界如許
大不妨窮婆娑題詩付同調相憶時相哦權余同年從遊月精寺

月精寺書普願上人詩卷用佔畢齋韻

所得從師過所聞景濂佳作合空群雄如玉匣差差水態極春空藹藹雲
一代詞源深造詣百年蟬噪劇紛紜驪珠滿把揩昏眼懷璧何人肯罪君

山門故事備詢師壽跡貞珉有仲思已把勲庸勒鐘鼎更將博雅擅文詞
摩挲始見鉤章妙摹揭還思淨本隨我亦辨身能再到不辭筋力寄筇枝

寺有古碑益齋所撰仲思即益齋字

月精寺奉和容齋韻

在五台山

五峰環洞府僧舍在深幽未到長勞想纔來已辨留佛先生寶殿雲氣護
龍湫風雨中宵至無眠戒共游

金剛淵

漢江之源

子簡分一派遠遶下烟岑帶繞叢林畔雷奔亂石陰神魚時點額潭響久
潛深願付朝宗意微洧到漢潯

瀑流匪而為淵神龍所藏春則餘項魚群亦淵中奮騰懸崖或升或半升而墜

大和途中遇雪

歷來關嶺尚迷津木末行窮復水濱筋力已輸鞍馬困更教飛雪虐征人

寓平昌用鄭三峯韻

客行飲水今四旬關路迢迢穿石角碧雲護費賦擬篇黃犬難憑遞書尺
楓岳高張畫幾重鏡湖澄涵天半壁我來所得亦已多老大還非少年樂
夢游三日浦

三日浦中搖彩舫四仙亭上奏松簧方平治具知無讓崔顥題詩敢自當
山雨海雲供活畫黃蘆赤葉靚明粧茫然一覺瑤臺夢身御冷風汗漫鄉
奉寄江陵具使君天老

覽輟端明講溟州佩左符江山供燕賞民物入型模謝客清關閑移風簡
政子循良儲相地天借冠君無

虛左寧當禮披雲喜識君相湏非假介所得果逾聞見跋筵方撤登程路
始分丘山情轉重回首但清芬駐山

宿酒泉縣

軟飽高齋後枯梧策睡功樓明斜納日灘淺細含風雲液崖猶泫香槽石

已空我行非定遠還到酒泉中

八嶺西無日不憶海上之勝洩之以詩

路轉東溟三百里蒼松白石更明沙鯨鬚鼓浪掀坤軸鵬翮升雲翳日車
極放醉魂通若木迥游詩眼落殘霞西來地迫囚山苦蚋蠃回旋祗足嗟

原州詠古

喧然俠窟填華屋勝國池隍據一方功集鄉兵推義士石摹唐字煥宸章
懽窮兩夜鼉猶伐詠到諸公和未忙脫略當時游討地白頭尋舊轉踈狂

元冲甲以白衣却丹兵全此城高麗太祖親
撰法與寺碑命崔光胤集唐太宗書模刻

驪江途中

曉打驪江路繁霜客袖翻月低山上耿烟漲野中昏墟迥纔分色波濺不
見源幾時機始息宿債荅乾坤

神勒寺

作意山門去寒蕪逕成樹兼僧臘老江繞郡樓清吏迓非生面齋餐不
速行下方歸未遠猶聽暮鍾聲

自砥平徑至此寺令
寺僧做飯故第六及之

清心樓

討盡關東勝槩來驪江風致亦佳哉樓低不擬檣竿過沙暝猶看宿鳥回
詩到隱侯遺人詠興移衡嶽發三盃眼前萬象驕難伏彈壓終須倚馬才
宛在蒲湘洲渚間沙禽嘹唳徹回灣月高雲翳時吞吐水落灘清響玦環
境與人乖終索漠酒將詩會未闌珊諸公物色分留少况我無才破秘慳
郎席復以對月那無酒分韻爲古體

驪江抱郭去明媚吾所愛放舟水雲鄉共賞人何在屢逢詩酒場弱力避
强對向時自由身不亂魚鳥隊

去丁吹帽節來趁剥陽月詩賞富幾何新從山水窟扶筇或實從酒籌雜
嘲罰當懼幾惜醉枕藉至明發

擊鉢子屬賦缺壺吾當歌免遭壑谷問不怕金吾呵殘宵宜把玩嚴程已
迫那更厲欲眠時發興猶鳴鼃

仍圓出天半流彩入座隅俯仰撫陳迹觴咏多文儒江流自今古幾蘸玉

浮圖舉酒問青天狂客無時無

時當十六夜

壯游復勝侶造物餉我厚覓腸吐秀句官厨續美酒佳境況入手却恐恠
多取明朝白鳥雙有懷烏川叟

圓隱詩明朝上馬衝泥去回首滄波白鳥雙

廣陵早發

廣陵廣州號

將期啟命朝金闕怵惕通宵枕未安側耳亢鷄何許哭警眠官燭及晨

殘青門車馬行穿鬧紫陌塵埃試拂冠歸檢詩囊漆尾注神交翰與謹齋

看

安公軸號謹齋嘗著關東尾注

湖

州

生

文

集

卷

之

三

癸卯酬唱錄

春盡日有懷錄奉李任寅長

輟得忙衙暫博閑鉤簾南岳見孱顏春殘九十消清坐路算三千隔故山
判牘自知揮手重歸耕何事放身慳所嗟室通人猶遠唯仗詩筒替往還

復疊前韻

病後唯思習靜閑鏡中那復昔年顏故人攀桂方招隱老子賒錢欲買山
生活且須供冷淡奢豪未必壓寒慳燈前把玩瓊琚報挽盡元和句律還

復疊前韻

大年曾作令忙閑我正攢眉子解顏揷板朝朝趲卯縛搢願日日對春山
探丸俠殷難投窟夢草才高膽破慳每夜鶻聲挑去思爲誰濡滯未言還

罷考廷試復疊前韻二首寄松岡

百重堆案敢偷閑嚴命還承咫尺顏日轉螭頭酣螳戰香飄獸口動

湖陰先生詩集卷之三

鑪山掄材共擬朝家用得路寧虞宰物慳祗愧冬烘迷鑑裁
賜樽霜醉任扶還

勞生那暇辨身閑隔月無由覩面顏斷送春光空撫景
退殘花事未登山芳時易失翻成夢勝集難諧正坐慳豈得隨人長擾擾倦飛禽鳥亦知還
考試出有懷錄奉松岡

三宿明光考校疲不知春去已多時頃成漲綠圍清晝無復殘紅戀故枝
更役牽人官是縛愁魔衝陣酒生奇無旬投寫阻詞伯回首松岡有所思
燈夕感舊錄奉松岡

退公盤礴息身疲試點蓮燈強學時籠裡玉蟲光的的街頭火樹爛枝枝
笙歌沸地香筵盛車馬騰達袂服奇無復昔年豪橫在老逢佳節費吟思
浪走通宵不覺疲隔簾偷看艷粧時霞光炫晃鷄先曉花影縱橫馬避枝
化國朋游唯取適衢樽群飲孰知奇歸來不怕金吾問樂事于今入夢思

復疊前韻

簿書顛委苦神疲
休浣今朝獲暫時
賸欲巖崖窮屐齒
愁筋力寄藤枝
蒼松宿鶴諧心遠
鳥几研砂點字奇
長日肯消碁局裏
好將今古入籌思
百戰先愁對壘疲
從君賈勇獨經時
怒濤殷地傾三峽
寒雀搶榆足一枝
白雪調翻琴和絕
丹鑪功進上升奇
誰憐我似高常侍
歲晚狂歌盡土思

罷侍 啓覆有懷錄奉松岡

前席終終奏讞回
下簾重爲對山開
疾風殘雨翻書案
小圃踈籬擁菜畦
半世榮枯身若寄
一官光景鼓常催
池塘草滿頻尋夢
趣造終慙二謝才

寄慶心中

往事追思一紀餘
十旬同討郡齋書
紅衣暗謝秋荷卷
白拂頻揮夏簟舒
袞袞傾懷鵲叫後
蕭蕭攀送馬鳴初
吳娘挽住回轅暮
城角涼蟾樹影踈
君坐悼亡成老醜
我緣多口轉支離
閑忙柰作經時阻
歌嘯偏勞幾日思

細雨看魚臨水檻
嫩涼尋睡卷朝衣
何時共款松亭戶
破費園蔬與伏雌

哭尚生鵬南

便從弱冠器渾成
語默尋常亦有程
脫手詩騷皆韻勝
會心朋酒輒懷傾
歛歸抱負雖違志
留與孩兒足慰情
膝下無人閨裡獨
夜臺長閒不重明
湖上新莊斲斧斤
常陪杖屨樂朝曛
詩書沐浴年猶富
樽俎承歡夜屢分
膏火豈知隨促漏
精靈還可殿修文
滿園花木多栽植
忍看春來獨自芬
見說新阡露渡村
青烏欵卜得高原
素車會處空澆酒
白壁埋時共慘魂
回上草生翻作古
眼中波逝不迴源
有孫却勝東門轡
傳語尊公強慰存

登箕頭峯

曾共天仙縱目遐
又隨寅老騁懷加
海門霧罷飛雙槳
村樹霜深露幾家
覓古草荒歌舞地
販魚人集鳥島沙
茲遊勝絕應須記
欲賦還愁老筆花

送李夢錫員外赴湖南幙

幙職元爲儲相地况君風望負卿材飄棠路熟便驅傳賜燕風高未墮梅
絃誦正湏同鑄手簿書還要贊裁才使家談勝客揮麈餘事詩爲待子開

送南伯順尹完山

纔數祥琴罷魚符遠剖湖不應嗟隕獲寧復惜頭顱清告行和鶴情誠爲
化覺濟南多士窟賓從日歡娛

自出聯粉社同寅躡鷺班但聞前席對猶未賜環還榮落中年異行休未
路艱又懷三日惡祇益鬢毛斑

在昔甄家壞今爲市上卿山川餘割據閭井控臺隍堆案裁書委趨衙擁
吏行豈同樞府冗羅雀鎖門墻

夙計衆魚鳥餘生復薦紳未明投杼謗猶受竊鈇嘆歲換依違裡心馳寂
寞濱賦歸南路熟知不久迷津

送季雅出按嶺南

卷之三

司喉嚨振含香久問俗鵲墟攬轡行緒業遙遙承稼收風標舉舉聳公卿
開倉賑哺顛連活判牘絕姦雀鼠驚努力瓜期優報政定知增秩聖心傾
麻衣三輩匡山舊盡綰金章豈所期半世在亡同感懷百年心事任從違
功名多屬桑榆日意氣難回盛壯時洒洒都門嗟不及離魂空逐嶺雲飛
初夏

花事都隨風雨忙綠陰迎晝滿池塘望中一簇湘桃在獨殿春光駐滿粒
效顰雲岡小詞

春去大無情幾處香輪輾晚晴簾幙受風花絮亂輕輕坐撫流年暗自驚
梁無墨初營傍主呢喃意不平牢落一番懷舊思盈盈分付佳人捻玉笙
答仲初見寄韻

莫道儒冠誤信書夢中榮落不關渠瓊琚辭進居夷後山斗名高抗疏餘
百里未應須國士十行非晚有愚除抹頰佳詠多才思憑寄郵筒爲起

予
奉步來知樞欽之觀水亭韻

又許榮祿為盟寒魚鳥欣迎繞藥欄疏傳出都傾
祖席子陵歸釣有烟難
以怡養智諧真樂嘆近臨川愜靜觀撰屨何時濠
上去惠施冥趣照心肝

次龔雲岡草書四幅韻

詩乃自作

百草成腓木盡枯鸞書拂曉動前驅壯遊關外通
遼海孤矢平生志不孤

石湖閑

高懷物外和餘借佳句而今愛急僧入草驚蛇不
入手沉吟盡日又宵燈

石聖海寺
口號

風颭映洲荷雨昏依蒲蓼極今蘇白手猶解踏吳歌

右遊西湖雨韻

獨專湖上勝祠宇更開山喚取逋仙起清風激世間

右孤山絕句韻

追用東岡踏青韻

卷之三

不堪身世類風高飄轉東西任下高碧木蘭舟行萬槳絳紗宮燭坐揮毫
年光一似驚弦矢歸計還如上賴船撫舊未拚文酒事只繞他鳥興陶陶

送長吉還龍灘舊業

寒剝赤心放范蔓窮秋感物足悲吟雨鳴病葉疑灘響霧漲晨衢作野陰
崇解酒杯知鸞影氣天山岳應鑪音明朝目短風帆迅回首空江意獨深

甲辰朝天錄

鳳凰城

宿兵聯引釁陽城鐵甲蛇矛耀晚晴比報游魂三戰北不煩新怒六師征
陣雲未散轅門曉殺氣猶連鼓角聲修賀一陽行李急道塗無梗荷皇
靈

登遼東望京樓用駝村史巡按韻

史名
袁善

上軼層霄下九幽一方形勢控危樓神仙自昔虛疑誕人物于今摠作丘
結構共驚心匠妙品題聊用錦囊收向來眼力增恢壯不患遼城久滯留
雲梯曲曲似穿幽脚底冷然跨堞樓烟火萬家聯蠟堠墩臺幾處障胡丘
高風穴榻千秋凜遠略恢彊百戰收徙倚覓今仍千古被他料理重淹留
發廣寧遇游擊將軍提兵赴徵

廣寧城中逢霰雪閭陽路上見韜鈴蕭蕭馬引離家恨閃閃旗懸破賊心

卷之三

西虜近聞窺塞擾東兵行奏凱歌音誰入正抱平戎策肯許龍墀借尺尋

通州

薊門閑輔走神京前值陽消後值生遍野荒糧聯似壘極天烟樹綠如城
崆峒問道曾迷聖胡羯孤恩敢弄兵今古興衰籌未了暮笳何處送邊聲

朝天宮演禮

蓬萊見說道家山拂曉傳呼雜佩環喜慶情同叨演禮仙凡路隔愧聯班
香飄玉帝垂旒際鞭響金吾夾陛間稽首出門真境別軟塵浮動是人寰
還到廣寧有感

往時陰互衝星去今日陽和帶晚過間岫薄雲籠片雪教場衰柳引鳴珂
四旬卧病空皮骨萬里還家免障魔秬為龍髯攀不及鼎湖瞻望淚成河

續接日錄

乙巳冬
丙午春

宿碧蹄有懷錄奉松岡使相仲初士重同事

王事何曾嘆獨賢
菁華無奈歲多遷
五窮舊乏奇文送
三折今遭末疾纏
盡餅欲謀饒腹果
飲水翻覺老懷煎
批糠免被諸公笑
並命叨居席最前

開城道中紀懷錄奉同事

溪山隱約想前車
屏目邇輿望未舒
斷堦陀連廢苑喬
松蕭颯擁遺墟
百年興替擦騷思
千里將迎畏簡書
瑞雪忽符來歲麥
爲傳消息遍窮閭
奉酬松岡青石紀行韻

經由獻歲復殘年
往苒窮冬序屬玄
故國東來餘市井
荒城西去少人烟
入雲馬蹶千重徑
跨澗橋橫百折川
同事祇今宜各勉
請看規闕佩韋弦
發興長

未解迎波思漲又呼騶傳策龍鍾兩肥膠瀨水漸下雪罷環峯粉黛重
教謂賢勞能及事極知風調乏先容通來劇墨皆強對難整疲兵犯銳鋒

觀慈秀碑有感錄呈同事

燒罷平州飯停驂秀嶺東碑殘尋缺字跡印有冥鴻奇遇真朝暮勞生嘆
梗蓬急湏摹寫本無復費錢工

安城館次金太僕韻

化了衣冠此路埃又叨充價抱病來一年短景知餘幾連日窮陰苦未開
羸馬覩其挑客睡凍禽窺食下庭苔向時裁盡江郎錦囊底猶殘穢線才
龍泉館夜讀雲岡詩呈諸同事

清新似逸發天慳共剪孤燈數賞看窺管何人識病甚放他高步盛唐間
臯比撤却勇歸山豹隱還須養舊班正爲蒼生思起廢微書何日下天關
劍水歸步唐太史韻

連歲何曾息動輒委身 王事不辭遙秋風彈鋏燕山邱春雨沾衣霸水
橋覽鏡未嫌名已晚跨鞍贏得髀全消江南叢桂類招隱何日投章謝

聖朝

追次鳳山館金太僕韻

臘盡關山雪未封連朝雨作晚陰濃微陽已覺添宮線回晚猶慳起鰲龍
詩欠伏魔遭律縛酒能衝陣解愁重坐來簾幙生虛暈初月如鉤瞰遠峰

齊安館酬奉松岡

所聘在黃州

佳句頻蒙趙倚樓禦寒殊勝得重裘百年意氣投深分萬里邊關擣壯遊
蘭燭剪紅虛永夜已殘染翰寫閑愁他時鶴返空城郭不信遼陽是舊州

悼江太醫宇

蘇州人爲太醫
院判善算命

琴琴吳州產爲官通 至尊華方書滿架多疾屢盈門妙詣岐黃奧研窮

卜算原衣冠寧或少殊擢荷 皇恩燕邱羈棲日誰人肯款門劇談逢枉

駕深酌屢傾尊投劑病疑失調羞饋亦繁尺書猶未達何況酹升魂

打凌過湓江抵大同追用生陽王黃門韻

診命頻叨儼使來飲水懷切與誰開雪色野龍滋楚甲臘近春盤頗菜
臺歐老戎賓開口凍姜侯設膾斫魚腮攝身過了銀橋上絕勝撐篙所石
苔

次松岡示雨從事韻

孤城魚鑰下重關枕上無眠待漏殘早歲匡時雖落落衰年許國尚桓桓
擁衾偷卧青油煖墮指翻思白屋寒祗是文章工未補誰言得句勝為官
遇雪用禁臚呈松岡駱村汲古

潑水寒侵被飛蛾響撲窓兔園詞最警驢背句難雙粧點臺陞迥色平洞
壑降晚來官閣霽極目送長江

酬示禁體韻聯篇皆佳不勝歛衽復疊元韻

累高齊草屋增重壓蓬窓強項饒松獨長身挺竹雙亂鵝擒賊捷深尺爲
師降輿盡回吳棹寒光政闔江

次安定館張中書韻

日日驅馳不暫閑送迎唯有萬重山回看京國鴻飛外直抵邊關凍映間
長路戀群憐馬住荒林接翅羨鴉還機鋒用盡餘推鈍潤色修辭亦強顏
用百祥樓唐太史韻示同事諸公

蓼葉纔生報朔初便從京洛策輜車路逢叱馭心逾厲病到關門客亦踈
千里孤城嚴警柝一天窮景抵樓居明朝欲續唐仙賞奈乏起瘳席左虛
玉龍腰屈送晴川汀樹離離接渺然古刹附城傳暗磬華譙瞰野挹荒烟
歲窮久客牽愁緒凍逼重裘棹酒船景物政須彈壓手歸期同趁浴沂天
自安興抵嘉平有懷錄奉同事

踏水過兩江崎嶇山嶺亂不勞候火迎未暝抵山館肩輿撼病軀索糒燒

渴漢徑尋土榻溫偃息衣裘散孤吟剪燭跋悄悄無與伴念余卅年前來
往試默算濫備青油幕文字廁染翰太史富清製百篇隨運腕容齋萬人
敵勇往不假捍收功足一辭袖手誰能贊初無已試效許我思過半至今
披故集欲讀薇露盟後來繼儼接謬當愧魚貫歲月今幾多面醜鬢亦換
猥居棟杙先憧憧煩不憚諸公類脫手意氣可排難投章辱裁荅一一珠
璣璨他時今視昔當有翻舊案歲寒念在莒百年保宴衍縱筆錄燕語昏
眸忘點竄行役豈得已又待明星爛

嘉平館次金太僕韻

不費青銅酒易賒頽然一榻醉爲家官閑謝守排窓岫才盡江郎退筆花
石洞雲深藏古寺海天晴透落殘霞憑高更覺吾行倦長羨投林宿暮鴉
高頂峻嶒去尺天幾攀微逕入雲緣久知世路如看局始悟詩功似學仙
陰谷回風吹礪雪畫橋垂柳翳厨烟客途事業歸茶品揔鼎松根試石泉

嘉平館有懷唐太史仍用其韻

撫年餘二紀尋舍稅羸驂事往驚流電詞高覺出藍點班聯省北化鶴返
江南舊業吳山下條桑幾熟蠶

用石門嶺韻

纔過崇岡入谷盤樹梢天缺覩還團馬經石齒行猶漚衣濕林霏燎始乾
千里試躋持使節萬錢膺選著巍冠一官成集勞詢採傳與周行夙夜看
用度嶺董待講韻

無勞擲本根闌道任渠蹲拜下非行恠蹶穿爲犯昏役丁誰擊險譏旅可
當門安得愚公力移將鎖塞垣

納清亭用唐太史韻

襟抱平生只與山每來吟眺坐亭間歲華忽忽纔經臘行邁迢迢遠度關
松雪近簷吹薄幔茶瓢依石汲深灣新年正恐添憔悴羞向清波照病顏

法郎先生文集卷之三

次龔雲岡新安館東有石如人狀韻

靈奇所鍾山多骨肖形於物紛卧立精誠不是武昌石堅瘦何如飯顆笠
塵沙蒙翳薜荔斑風雨橫斜適身濕狀貌雖完心性頑若此最靈寧可及
奇章甲乙元章拜世或藉口謬相襲君不見非言而言乃灾恠不如無言
長似揖

連日抱病有懷錄奉同事

兩年鞍馬愧賢勞祇役橋山病轉牢投劑已難銷宿僊趨營無復較前豪
豈知末路嬰鞭策政值窮冬逞虐饕自是國恩猶未報敢言清世惜亡
毛

次龔雲岡同盧河韻

青龍冬見跨水底丹詔煌煌自天子邦人謹迓作捍堤千大寧虞璩
穴螳松枝補缺共邁迤直瀉奔湍彌數里皇華所歷富篇什雅賞偏知在

山水世間遭遇有如許名播同廬從此起

林畔館曉起用董圭峯韻

五夜羈心逐旆飛荒鷄何許喚晨暉嶺雲關月孤臣遠朔鴈江魚一字稀
強索重衾移曉榻試尋殘夢攪風扉半生書劒難酬債又向邊頭餞歲歸
林畔館次祁郎中韻

海國封疆接漢關征驛行稅戎樓間路窮易辨烟中樹眼眩愁逢雪後山
鄧暹椒盤濃歲酒春隨斗柄傍人寰通來心緒殊紛亂安得并刀試共刪
次龔雲岡韻

風埃漠漠眼添花客路千盤直復斜章狎易煩剛似借馬來雖貴免勞賒
但收學道心俱化不較封侯鬢未華會合天涯非所擬休將聚散比搏沙
良策館次龔雲岡

半世頻來路不迷免教鴻跡印春泥雪埋墟莽稀逢屋凍合山橋幾薦溪

卷之三

鄉思近邊偏覺切詩名到老未嫌低十年行止從頭數八九光陰動在西
大器今宜晚高才古患多挾文傾顚墨棘句倒陰何請舌長澆苦宮僚幾
振珂定知宣室召歌詠矢卷阿

苦疾逆不能安卧欲具辭聊作俳諧錄奉松岡

日高丈五夢初回樹抄顛風捲地來敗絮作稜頻攬被熾鑪噓焰旋成灰
懷中腰曲身難直驢背詩圓手禁推除却同行同病老此心紆鬱與誰開
復疊前韻

飛觴到手不停回無限鄉心酒後來少日已拚逢醉尉老年寧較弱燃灰
渴喉生土茶頻潤旅睫如魚枕幾推賴有松岡能起我每投佳句遣懷開
奉謝醇之治具見慰初度

來頻坐席猶留暖見慣厨人亦不猜絳蠟摧時清夜艾綠醅傾罷玉山頽
奇窮豈敢當虛左笑謔還堪得款陪橫槊篇章多警策佇蒙瓊報眼先開

報章復至依韻酬奉

纔承 嚴命校 宣催關吏無勞傳帛猜豈有才猷裨袞闕寧多服餌制
年顏贈言江上曾相送屬壽筵中復來陪重擬歸來春序半蘭橈莫負者
花開

詠雪三律錄奉忍齋晚翠松岡駱村汲古止齋鐵津道契三休地主
博笑

江雲曠雪似泔凝鍾動譙樓報夙興悵悵風煙迷迥野蕭蕭蘆葦際長水
貉捎馬後逢回獵樵墮溪頭認病僧一卧邊城驚歲暮旅情鄉思兩難勝
簾幕軒披密雪侵冷灰殘燭伴孤吟擬鹽謝客輸高致烹茗陶翁讓淺斟
壓得冬瘟占戶喜潤將春麥慰農心病夫強學素安卧向曉寒多只擁衾
憶向湖邊舊受廛一冬無雪過年年兒皆御袂還挑菜水盡生澌可使船
梅到臘殘渾蓓蕾草偷暄長欲芊緜豈知西塞仍淹歲積綺盈城凍逼肩

依韻錄奉忍齋

把玩酬章紙欲毛
美如嗽蔗快觀濤
雅知詩律傳家細
更覺風神出代豪
麝氣推宜退舍襲
蘭心切共停旄
嚴詩編杜卻忘僭
門館從來辱袞褒
立春日有懷錄奉同行諸公寅老

慣向燕山看打春
靜州今日又逢新
榆關社裡香燈鬧
寧遠城邊綠仗陳
艱險飽更心似鐵
送迎頻管鬢如銀
宮恩幡勝無消息
破卯官醪最要身

次汲古統軍亭韻

東視簾帷已自驚
況憑寥廓雪繞晴
柱天縞氣攢峯竦
極海玄花眩日明
千里未酬爲客債
兩年仍繫望鄉情
老夫敢擬追高作
能賦從來屬後生

奉酬松岡除夕韻

放船乘瀨下赴壑
挽蛇留迢遞關山
路棲遑塞障頭林
鴉驚客鬧官燭伴

鄉愁地主勞供宴登盤闕品羞

珂馬傳趨賀家人念客留星河低闕角環佩繞螭頭
踏板喧晴市燒魔度舊愁遙憐難老祝衰白莫深羞

次汲古元日韻

老年才盡畏逢春試筆元朝似有神後飲歲杯驚暮齒長彈劍鉞任孤身
輜輶綉陌群爭道珂馬沙隄不避人留滯周南偏感舊祗饒霜雪鬢邊新
同事諸君約賦一詩爲異日攬舊之本屬余首簡借書八韻

窮陰殘臘初停蓋敲歲生明欲動輶丹命恩加優禮秩候迎宮夾盛賓
僚攤書問字多移晷燒蠟傳盃或繼宵永王照心交托契衣冠聯武恰傾
朝侵尋北陸收寒事積漸東風變柳條浪迹似萍驚聚散勝遊歸盡費傳
描襍城逃酒堪徵令梁苑摘辭不待招他日歸田應檢錄試看游舊盡烟
霄

車輦早發用半山韻錄奉同事

鸞書隱恤下幽燕使者迢迢指漢川前
旆霧昏看似樹後車塵合遠如烟
長水礪道明朝日殘雪山阿露阪田
西路候賓成老醜蒼顏白髮感流年
過蒙推許復疊前韻博笑

歷覽風光薊復燕波瀾筆下沛如川
寒雲未散黃河戍霽日先分碣石烟
名表詞宗詩奪錦古耕文苑紙爲田
老衰獨任知難辦聲援應須借少年
過緒難用唐太史韻

疾風吹雪刮肌寒千步虹橋跨一難
却憶前冬衝急景忽驚新序劇跳丸
封疆此日甌無缺爭戰當時血未乾
漢節歸來冰恰泮好裝文鷁屬船官
送華使渡江自江上迤酒直抵所串
館詩以謝醇之地主

百戰疲鋒氣索然詩逢橫槊敢爭先
三年盃酒忘形裡一夕離違忍淚邊
遙望玉關休戀闕深嚴鸞省正登賢
璽書不晚徵黃去薄具班荆爲

謝慙

過古律江

書狀江深永閣渡寧州山禿燒侵城往來只慣郵人面
輶傳翻慙使者名
花事勸寒連塞嶂草芽偷暖媚春晴
喜聯二妙摘華藻况值風光稱賞情
納清亭感舊

唐仙化鶴垂三紀亭扁于今照路華尚有風灘鳴雜佩
更多烟柳宿寒雅
每來惜景忘歸去贏得懷人費嘆嗟
准擬歸時花絮亂青鞋隨意踏汀沙
安興道中

望海峯前拚信宿百祥樓上了深期舟牽風纜欹斜疾馬避泥塗
詰曲遲
身計不禁隨俗左賞心寧免被魔欺
酒醒回首雲山暮江草江花惱客思
遊酒巖作俳戲二首

懷賞知何處鰲峰浸碧連
游神層漢上歷覽大荒邊
江作纏頭永山爲對

湖陰先生文集卷之三
案駢正須流麴策隨意棹航船

冗官書閣閱連歲過九都酒洩崖猶玄臺荒鳳久徂但須窮勝絕何用縱
歌呼終羨鷗夷子彌年泛五湖

書金生驥詩卷

憑轉華音熟儀觀更秀文仙真通秘訣詞藻蘊奇芬頃被華亭賞同傷鵲
水分香名延上國聲價頻超群

醞藉秦川彥東來共受知秩邊慚有踐更燭不辭疲路直燕臺迥春揚灞
岸漸欲追黃鵠舉膏漢香何之

湖陰先生文集之四

秋官錄

送浩源赴錦城

萬里歸裝罷薊燕又分符竹向南垓東韓數富羅爲最北關分憂子獨賢
莫放風光供詠要將紅腐遍顛連惟良增秩君家事佇見褒章下日
邊

寄朴養叔

恩許傳柑帶脫歸街泥已滑賤人衣臘窮光景貞三始宜冒峰巒繚四圍
鹽水屢空憐計薄酒羞繞給愧家肥忍貧諱道身多誤吾道從來足是非
贈楓岳僧性和

昔年卿

命訪仙山水檻臨清照病顏邂逅逢渠談舊事雨簾春雨鎖幽

閑

禪家妙旨貴知宗面壁灰心可做功何用經營成擾擾把埽為鏡在腦中
乖情於世百無宜却恠香山結社遲儻假休官年二十不妨泉石了深期
名為實病竟誰砥無限求詩遍里閭老我何緣增爾重絕無佳思到毫尖
白馬峰頭月欲低夢回方丈曉禽啼憑渠一炷觀心罷試算遽非四十迷
趙結城估挽

同榜朋游數在亡如君奄忽最堪傷中年顯擢參經幄末路微官結縣章
無命展才憐沒世有仁宜壽反招殃愧無絮酒陳埋璧薤露歌殘涕泗滂
送仁甫宣長出按嶺南

列舊維八嶺為殷地望非孚未易分纔與北門收杜鑰便從南服策奇勳
檢題蓮幕隨行是迎節棠花滿路芬精悍宣消文俗事所期絃誦比城聞
手持華鉞制方隅發廩開倉在指呼幾處顛連群仰哺九重憂念遍蘓枯
農官之餉飢難果麥報登場望不孤看取青州荒政舉向來柯則未應迂

南天盡處氣扶輿，流崎爭朝邑。里居江橘嘆香風，樹迴蘭燈吐焰夜堂虛。
未妨深酌開公退，還有豪吟入醉餘。塞鴈來時頻繫足，了知心迹不相疎。
題祠廟廳契軸

先王禮制舉隆儀，肅允南曹討制宜。兩宰施爲推博雅，群寮寅協洞襟期。
廟庭恢豁躋神迥，靈衛繽紛鼓樂悲。嘉賞自天酬效勩，共將同事

紀諸詩

題南宮契軸

選到南宮極一時，郎星照座絢風儀。晚衙鎮赴槐陰轉，高會頻收燭跋遺。
逃酒却愁渡肉陣，聽歌還賞斂蛾眉。享衢衮衮通臺省，共撫前懽費夢思。
安陽城 挺然挽

童稚論文到白頭，半生榮落略相侔。我因墮屨爲耕叟，君負愆尤東海陬。
桂籍再登終未有，縣章終緒遠長休。祇收蘭玉恢餘慶，若較吾窮章亦優。

寄朴養叔

罷讀刑書避謗深
雀羅張戶斷羣音
風來北牖翻書葉
日過南牆轉樹陰
賒馬借童羈宦況
折蔬炊黍故人心
知君不負任安義
早晚相過伴苦吟

寄李雅

詰姦脩史困衙忙
二載漳濱閑對床
官謗已成遺世用
閑曹聊復襲君芳
蹶跚步越巡
輟響傲兀眠
酣過隙光雲漢正殷
修側慮商林
何日破驕陽

復疊前韻

官縛追思手脚忙
束身衙裏負薪牀
每按文簿供裁判
豈暇冠童事擷芳
無術匡時陪國論
有辭宜退玩年光
祗今散慢真吾分
宦興全灰不復陽
憶趙槐黃待舉忙
共操秋卷借禪牀
做功丹鼎期騰化
漬墨青編辨臭芳
騁驥亨衢起步武
聯班前席荷恩光
寧知末路都無用
萬事唯輸坐負陽

李雅見酬復疊前韻

疊石澆花日日忙
聰除牛蜋謝匡牀
納官鷄助初何惜
喻契醇醪正飲芳
胃樹薄嵐離雨氣
射簾遲日放晴光
病拋流序叅時令
報道柔陰欲乾陽

晏至已逼
故及之

一帆清洛憶歸忙
蓬底潮生撼夜牀
徑入沙村迷橘刺
棹穿江岸襲蘼芳
沉疴只要靈泉浴
駟馬何煩舊里光
儻許投章同請告
秋風應趁鴈隨陽

復疊前韻

萬事平生不作忙
久拚藏六耐支牀
材非簞壑那扶棟
蘭偶當門誤前芳
魚鳥同群思放浪
麒麟作檀借榮光
君恩儻許歸耕便
即賃扁舟趁剡陽
兩月都無破卯忙
睡酣持正竹方牀
疊山不假愚公力
種藕聊牽楚客芳
已任縮摩停吏局
却無書疏上明光
只愁坐甑嬰蒸鬱
安得天瓢洗亢陽

送叔夫寅長出按西海

年事雖同器不同推君綜總我踈空向收最課增高秩鼎屬觀風策異功
麥不登秋儲已竭民宜均哺計皆窮撥難著效儒家事看取青州富鄭公
驕陽忽澤誤農功雲漢憂深厓聖袞袂底盡成龜兆圻溝中不作燕泥
融隨車雨霈封疆喜負弩威行候迓同報政歸時吾請老尺書煩為問南
翁

和南浦韻

虫有群囂葉有聲感時堪作不平鳴車塵久向門前斷松月唯尋枕上明
同病故人書屢至舊山歸路夢頻驚投章有味誰能會如入芝房嚼九莖
題平市契軸

富教涵濡業四民列屋通貨最關人職司平準無翔價吏服嚴明敢反脣
勝賞了公初不偶深期歸盡久應新猥叨僚分非虛美詩富官箴勉愛身
送仲溫按關東

南宮典禮推高雅東海分憂稱簡求心上沉機裁判妙胸中廣厦庇
民優江山自足收觀富教督寧消化俗媮病負春明陪勝錢矢詩聊當酒
杯酬

策得輜車逾廣路蒼蒼積氣與波浮扶桑射暈通鵬背銷幕冷風聳玉樓
萬里壯遊心眼大百年忙世螻蛄羞秋殘瑤草行堪拾試討仙山濟勝謀
書此峻詩卷

湖上漁樵舟載中是音偏喜值逃空淨除五欲燈明戒賸受三薰柳下功
耕驪禪玄看脫塵生謀把菊諱言窮龍門結社今非久便乞殘骸馬首東
事不師說
黃獻之號柳下

廬山自是安禪地見說東林合置龕三笑溪頭猶惜過競馳方外孰將心
撥開宿芋殘灰裏探得玄珠赤水深把斷湖濱牢住錫不須膠擾事衆尋
明農廢却學偷倉無奈湖田一半荒旱澇不曾收歲熟耗殘唯覺慢吾藏

退無憑業恒虞竭保有啼飢欠賦糧道力敢煩重主管不應常侍謾思鄉

哭劉川倅李伯雅

有溫

傳家清白是弓裘一命菁華已向道山礪分符凋瘵活鄉閭交口行能優
褒章有煥多增秩最課離倫正應求可惜南川無祿甚未淹旬月失賢侯
童稚情親到白頭一生榮落共歡憂暮年鎮作經時別末路同爲謝事謀
湖艇矢魚無復理山阿採藥惜長休未能踰七誰云壽憤憤真堪造物尤
握手卿盃只隔旬遽傳凶耗夢非真哀傷共道還聯境惠澤無論未浹民
旅視遙遙逾嶺嶠郎星忽忽晦天垠繁宮坐負生芻莫空把無從洒棘人

湖西奉使錄

題韓山館

時舍弟作宰

馬邑扶餘甸孤城控海邊地蒸雲鎮黑冬暖葉猶鮮竹塲含晴籟蒲塘落
晚天樓臺軒睥睨墟落聚厓巔錯峙宜杭稻橫陂洩井泉關津南去度形
勢北來倚竹使分殊重荆花蒂更聯連牀宵飲劇燒蠟曙鍾傳默數興衰
際追思割據年文章推稼牧驚劣媿才賢物色留何少登臨意未圓明朝
馳急傳回首便茫然

夜渡白馬江

別酒澆胸未散愁野橋分路到江頭城池坐失溫王險圖籍曾聞漢將收
花委尚傳崖口缺龍亡還認釣痕留寒潮強學靈胥怒亂送驚濤殷柁樓

沽陰先生文集卷之四

樞府日錄

送汝溫出案關西

官專史院輟編摩西路 分憂振玉珂雅有風稜隨枉舉便看繩檢到身
多城經暴潦無完堞卦盡荒梯少熟禾補弊醫傷湏妙手 聖心虛佇歛
人和

千古九都控一隅送人長被鬼揶揄河曾失道湏沉璧樹可防奔盡植榆
几一迹堙尋聖制萬全籌遠靖邊虞自嗟書蠹終無用祠祿縻身屈壯圖
秋媚江關序屬中薰葭楊柳已高風填波盡鷁迎華節引路清簫整小戎
急急符移裁滯務恢恢機制策奇功騰寬西 顧紆殊擢廊廟誰云只在
東

尹領相鏡之挽

骨相元非淺心期自別人判詞騫秀士簪筆通 中宸賢路朋游廣除書

簡摧頻贊戎裁務敏懷綬蒞民親銜恤幾傷性辭名却任真聲多符讜論
官已據要津宮校鸞臺直輜軒嶺徼巡功歸綢綰漏政責察噸呻六副掄
衆半諸卿歷試均超登三事重釐叙百按新天禍遭仍酷宗傳序屬淪
危疑先捧日忠諒可明神鎮難敷還策調元體益伸班行孚宿望風彩
聳長身禮士常虛席追先不廢晨世方喬嶽仰天忽輔星淪周斗纔停酌
秦眷不相鄰深情懷自昔未契荷相因救拭同升衆摧傷衆口嗔幾披襟
洞豁欲話鼻酸辛匍匐虛三哭支離病十旬西風吹苦淚霑西柳車塵

題周景游清涼錄後

盤礴頭流佔畢文高詞硬語自超群秋江與續金剛錄筆陣俱堪靖楚氛
曾同浩叔備經帷講退宮壺漏報遲細讀清涼牙頰爽不知更有景游詩
景游元是玉堂仙整謫南中吏隱便香案傍邊虛在久却來當制對金蓮
清文定價比無金老謬寧懷上下心歷劫贊揚知不盡一回操卷百回吟

逃謗除痾兩未能海山何處可同登袖中有卷非無補佳處開看識我曾
賀季雅買新第

甲第當街久閱人憶曾謀貨往來頻崇深氣像宜詞伯善頌無能賀業新
百謗叢中百病翁共叨祠祿固天窮力貧芻飯勤相近最協炎天細簞中

題金吾契軸

西湖高會復高秋疊五衣冠惹勝流牘背刻供拋赤筆鰲頭置酒對滄洲
嚴城欲暝當宵警歸騎穿街報漏籌先使閑人嘲一餉百年投分共青眸

題銀臺契軸

六星環禁共司喉選極朝紳地望優奏對從容蒙假色綵綸甬雅贊鴻猷
紫薇香襲仙臺潤清濁籌頻畫刻道推分畫圖堪耐久更須樽俎戒朋游
己酉元朝卧病感懷

苒苒勞生逼六旬蒼顏白髮入新春擬瞻文石隨鵷列未辨句陳捧日

輪宮雪乍融呈瓦壠街泥纔濺帶車塵補觴漢殿知無分牢落空齋任病身

題豐儲倉契軸

倉庾曾聞分氏族久官收效諒非虛紛淪支費勞心計騷屑牙籌校簿書
勝日江湖同講好異時車笠未相踈矢詩圖畫終翻覆不獨高人一笑餘
城西得梅一本移蔣階前書二絕自遣

老倦京塵未放回憶曾江路訪寒梅佳花舊習消除未勾引黃昏縞袂來
心遠堂前舊手栽踈枝破臘雪培堆北來花學人衰晚却傍殘春始放開
送景明寅長出案湖西

西還少府纔輸節南去棠陰便策輜持枝何曾淹顧內委身期塞屢分
憂沒頭簿牒裁無訟入手經綸到告猷老大驚心何足道及瓜 徵札渥
恩優

哭金景參僉樞

心期與俗異，鹹酸翰署臺。端邁整冠真，字適道知有。種清談袞袞，聽難殫。從違世路長，辭疾恬默班。行久耐官古，語纔聞遠屬。續空遺卻桂，照門蘭。

送金鎮海

世良

芹宮舊撤臯，比坐海曲新。分竹使行淹，屈莫論爲左。宦怡愉，贏得養專城。秋山挂笏宜，迎爽春雨隨。車好看耕卧，治他年收最課。尺書先爲賀，遷鶯海氛昏。書龔黃堂晚，擁紬衾入睡。鄉衙鼓不鳴，投牒少漁燈。欬上下關忙，未放政拙歸條簡。却要民懽頌，吏良邑子何時諧。乞骨寄聲魚鳥會，相忘戊申臘月丙午司馬恩門宴席上口號。

狄門桃李豈專功，曾預諸公鑑。裁公釘鉅旅，羞脩故事呼。奴狂態任衰翁，燭憐深酌雖多思。花襯華顛却不中，免使傍人嘲壑谷。百年斯會幾回逢，星牧曹仲慶所居三詠。

憐君夙抱舉魚恨取意開堂寓所思
賴作不能容木靜感深何許洩心悲
虛傳椿閱千霜旺無奈萱慳十日遲
養足專城傷莫逮撫綸三絕夢我詩

右風
樹堂

陶令歸尋栗里期山杯釀秫撥醅
遲無絃膝上音希後五柳門前絮罷時
至樂豈容兒輩損高懷未遣俗人知
回首世態雲千變且葆吾真得自怡

右樂
聖堂

赤城雲起帶霞飛日浴花淵好發揮
千步沙明芳杜外數椽齋壓綠筠圍
繞升膚寸看生石亂激宮商聽遶磯
嗅做亭顏知未桶主人終不老巖扉

右水
雲亭

金叅判萬鈞挽

科甲名標桂玉高麻衣遽得換宮袍
天池蹙紉翻演志湖甸終饒問俗勞
歲龍灣同逆旅舉疵儀省屬升褒幾
回深酌當歡處無復看君酒後述

崔知事演挽

英聲從少振朝端鎮着金華法從冠七步摘詞人縮手四筵轟飲獨窮懽
繪形盟府毫猶濕修賀皇家力已殫回首天衢奎彩隱祗今公議惜才
難

送尹亨仲赴古阜

玉署聯班厠俊英追思當日似前生青綾並直連床語紫陌探春一字行
六月扶搖君屬息十年魚鳥我尋盟晨星各望天南極會合寧知在洛城
一再過逢首便分左符贏得管民軍地當瀛海稽天浸窓納楞加出岫雲
政拙未須優迹上化行先占頌聲聞徵書不借承顏便賸作歌詩準備君
日南姜子曲江張東海多賢可襲芳五桂一家今鼎旺萬兵二子舊相當
門闌不置書香業鄉里爭瞻畫錦光入葉軒裳何足況只應修善遠難忘
齊心未辨出青門惜去裁詩寫斷魂暮雨回風增惻楚亂山殘照易曛昏

新年老抱偏多感末路情知問幾存湖鴈來時頻繫足橘中真樂許重論

君號
橘亭

李校理長吉挽

夙遭家釁竄身遐中歲還丁鶚薦加小試豸冠風力勁遂前經席 玉音
嗟亦知璧委埋泥滓未信蘭摧混物華無復龍灘尋釣石相哀歌罷淚橫
斜

題司饗院契軸

光祿卿爲九列臣職專調飪號難人自緣地禁趨衙苦未害官多屬道頻
胥薦交情捐末事休煩口業飲時新簡書不與清游便正及西湖浩蕩春
韓僉知承權挽

承胄能恢業從官早服箴鹿輻聯右郡荆玉煥華簪蘭茁皆薰晚椒枝獨
出林祗嗟嬰二堅一木戢衣衾

享過三牲厚年慳六紀延任真多謝客居物少贏錢舟壑難容力官勲只
象賢升堂無復約淚洒棘人前

送士容按嶺南

藩維崇重南爲最簡任從來輟通臣波暖鳳池鷄樹並節馳炎徼錦
袍新威行按部多收綬雨霈宣恩亦淨塵自是施爲操有術正緣儒吏
飾諸身功歸繡闕知難數策到防虞見獨神奮筆不消裁簿牒察眉要使
絕輦呻向來博雅深驚世此去清真足慰人登眺未應孤物色風謠贏得
廣諮詢焯勤已效祥刑措前席仍多外事陳留取去思優報政及瓜先賀
懷要津

洪領相子美挽

天賦高才聳白窠纔需一命已鑿坡腦蟠萬卷陳前富畫接三回惠
色多時論共推直學士官衙常帶古延和真廬鎮擁青綾被禁路稀聞白

玉珂執法風稜生簡牘矢心冰蘖却鞭韉遍揚華地元非已峻擢巖廊亦
任他歲計豈論收日月治功恒貴略條科危疑倏爾調難處勲業居然照
不磨象動上台諧夙望身嬰二豎屬沉痾正恢新化資方急忽喪元臣
理則那堪鼻自憐無復質噓枯誰肯及餘波義兼師友情何極回首南阡
瀉淚河

題司僕寺契軸

僕臣掄選重周家君德須知繫正邪奉引寬旌穿苑路肅陳鸞輅趁朝衙
每存下坂規輕脫擬獻虞箴斥誕誇明好在心寧在外未應游賞玩年華
書懷戲奉尚冢宰起夫

桃李滿門須鑑別更饒花事正紛紛城中春色三分好手似吾家得二分
萬里高軒寬眺望西湖風物屬飛觴河豚正起蘆芽短儻及春晴理釣航

少年作意爭春事，杏葉香韉趁俠兒。衰病祇今無伴侶，藥鑪經卷動相隨。
綉障花圍鋪毯草，暖風微拂雪霏霏。春心已學殘灰冷，分付蜂喧與蝶飛。

戲詠白蓮

成廟朝使鄭同獻種勅

禁池分種到盆池進

御曾聞舊紫衣，風日莫嫌侵節晚。淤泥解幻出塵

侵
安何郎洗粉看逾瑩，韓掾偷香秘已知。老醜豈堪標格對，二張端合鬪風

書懷寄李南浦季雅

卧病春殘便到秋，頓添華髮鏡中愁。已經寵辱觀身忘，強束衣冠顧影羞。
荷葉下欹扶柄直，桂花初落戀枝留。自憐感物增羈況，何日滄洲具釣舟。

鄭監司仁甫挽

同書桂籍並霑恩，糠粃居前愧序尊。儒吏飾身明斷獄，經詞討奧兩傳
門。酒腸寬海杯心覆，判手生風牘背翻。盡瘁還鄉成奄忽，情鍾我輩失聲

吞

春盡日有感

罷直三軍帶晚歸春准一日賞心違都將嫩綠相交映無復殘紅與發揮
節序屢驚新賜火官曹長負故山薇困眠不覺銷心字暮雨蕭蕭送客暉
與起夫士經白順子由顯之登太平樓避暑成小集

樓上新秋飲金尊漱灑時嫩涼生暮雨高唱列纖眉濡首寧辭醉鳴鼉未
告疲正脩河朔令誰誦楚臣詞

士經見和復疊前韻

笙歌將散夜更漏正催時舞亂從垂手盃深不上眉三行圍妓密百戰定
詩疲明日追懽事空吟白雪詞

送景游按西海

纔釋龍喉轉版曹輜軒忽動拂征袍鑄顏山礪收材盛布政棠陰問俗勞

吾道正東懸榻久君心恒北拱辰高顛風澁雨彌旬劇應爲傷離滯節旄
題李琬所藏畫蘭

楚岸秋風步夕涼
深林獵獵見孤芳
祗今畫裏渾相似
綠葉疎花化墨香
九畹光風轉綠叢
旣根春露有深功
天和縱悴香猶在
爭比寒鄉士固窮
送淑夫按湖南

增秩旌勞荷異恩
纔輸西節復南轅
宣威頓破姦豪膽
明目全無雀鼠繁
吏事在勤君所有
刊書自簡孰稱冤
歸來奏對天顏喜
調贊先孚地望尊

箕城不記遷都始
濟府猶存躍馬餘
人物鼎新風化裡
金湯非復戰爭初
官梅野柳催春事
榮戟檐帷擁使車
商略古今宜有作
老夫頻得遞魚書
桑同年紀判賢愚
榮落平分到晚塗
按部收功推老手
偷倉喪勇愧非夫
離情共繫新年惡
歸思翻尋舊隱孤
把酒青門瞻望久
不堪春水遠迷湖

元日書事

以病未與賜宴

曾逢元會阻朝天更入初正興索然
恩錫群僚忝白獸書攤舊架敵青
氈牆陰護雪留寒峭霽日薰梅放
暖妍解道人和爲樂國蒲街歌板競
新年

晚境行休而不諧却將身世付推排
朱輪馳處全收迹黃卷堆邊動攝齋
人事幾從時律變天游多與物初偕
直膺難老拈詩筆試學堯夫詠打乖
蔡判書孝仲挽

居同閭閻仕同寅契分平生莫最親
官長秋臺陪國論迹拋林下伴耕民
久忘榮落昏酣外屢罄輦瓢寂寞濱
未極古稀觀化遽情鍾我輩滿霜巾
送車敬叔通判赴黃州

大常官重選簪紳別乘須賢簡注新
議白易名時所屬勞多贊務蠖應伸
休衙要課詩書業暇日無妨眺賞春
早晚西遊天借便畫船相待錦溪濱

都門殘雪挽鳴騶捧檄情殷不少留
算老正消莊叟話望雲還釋狄公憂
人生粗了三春報榮願難諧五馬游
慚愧臯魚懷作惡升堂無路壽觴酬
齊安幾度作春游朝宴高樓夜未休
銀燭爛邊頻見跋艷粧團裡每扶頭
少年謾說爲官好末路都供送客愁
塞鴈來秋應繫足詩筒藥裹一時收

送許都事

漢佐

赴關西

文敬宗人多韻士看君醞籍有家聲
卜鄰未倦親賢意作別旋逢八幕行
山帶魯陽餘廢壘江分松壤遠孤城
定知飛絮縈官道莫放春風上下輕
西門地控華夷界應接紛綸少息肩
管鑰向來須簡任籌謀今復屈才賢
民經蕩析無全業城浸懷襄剩半埽
補弊蘓枯長策在當仁不讓着鞭先
憶曾君屐趁庭地半百光陰已惘然
駟馬敢言誇蜀道鸞書空迓布堯年
黃壚暢飲無遺舊崇敬尋花不改前
興付風光共賦詠月分三四卧遊邊

題金二相叔藝短屏小景

青嶂歌吟帽熏鑪換篆灰彩雲塵隔斷琪樹鶴徘徊壺裏春常佳人間日
已頽抱琴何意思應佇訪真來

金副正子順挽

傾朝交薦爲名揚見賞諸公折輩行存佩郡章優奏最忽嬰遷籍遠投流
少卿躋秩官非厄長算踰稀壽未央緒業有傳何足憾只令親舊哭云亡

敦寧日錄

卧病在告聞授敦寧戲書

十年竊食樞庭廩今日移官實 聖恩閭里共疑班秩進兒童誤喜號名
尊支離受粟家何幸榮啓爲男樂亦存從此分甘閑謾地趣成花竹灌荒
園

送敬夫寅長出守潭陽

散落星辰二紀餘中間披霧幾相於一州歛惠君多屈三黜同塵我未踈
草烈王孫將綠繞花憐阿母正紅舒久知繫望才猷地誰向青門爲梔車
賦粟無營病不除前衢掉臂盡高車敲門未倦情何厚下榻徒勤報尚虛
流序捲春长假裡壯懷輕別老年餘官閒管得香凝寢佳句頻隨雁足書
報熟黃梁又折蔬揮犀遲日過庭除嚴冬幾設姜侯膾殘燭同攤鄴架書
撫事尚堪收一夢相思知不惜雙魚徵黃會做過從數鼓保高情未肯踈

奉寄叔春倬直昌慶

湖南雀鼠罷裁紛相見宮廬對炷熏多病但知增土思放慵寧復策書勳
勤寒鶯舌聽猶遊隔霧花枝看不分老勸長途難附驥却思談麈聲朝暉
燈夕同社僧性峻告還詩以言別

八年乖隔兩心知累繭來尋未覺疲說到漁樵渾舊輿較將顏鬢改當時
蓮燈吐焰杯行亂花露沾衣客散遲獨鳥孤雲元不繫明朝杖錫問何之
碧蹄道中

雨後橫颿寒刮面淒涼意象似蕭晨病拋節序初交夏路指園陵爲底
裡山鳥喜晴依密樹野桃留艷殿餘春詩材滿眼無人管付與衰翁語索
新

早發坡州

嫩綠初交蔽老槎肩輿路隱不知賒家家桃李晨粧靚不數河陽滿縣花

臨津感舊

蘭橈搖曳並清沲曾共龔王縱賞多擊鉢詩成歸授簡揮犀談勝劇懸河
冥鴻印跡尋無處亡劍求舟計已訖撫事重來增感慨雲璈猶記和漁歌

游朴淵

祀罷園陵曉歸途雨滿蓑輟行緣濟勝欣霽免遭魔山好忘眸困溪回
任揭多只慚煩羽騎魚鳥避爲訶

沒道非生客都迷洞府深草蕪增逕挾花開駐春陰未暇澄泓淨先聞怒
瀑音共拚絕檢隘高下恣窺臨

鏜嶂踈泉匯荒哉創巧神晴飛千古練雨譚半天紳海眼通崖黑雷公擊
柱喚百年能幾賞難辨自由身

感遂言殊恠投姑事豈然那知委鏡下恰有抱珠眠測綆何妨試靈犀未
暇燃憑將詩寫取誇與後來傳

側展蒼官蓋平鋪錦石錢懸河輸壑底飛雪洒林顛落景歸猶懶芳尊坐
屢遷明朝城市縛回首便茫然

紫霞洞

勢到神嵩極八仙窮源得得上危巔浮嵐掩冉千回磴振鷺翻飛百折川
堂廢中和春草沒詞編樂府國工傳何時却做身無絆隨意幽尋償暮年
花潭

謝屐高尋不受催桃花潭上把離盃與衰相倚山猶峙城郭雖存鶴不來
徵士微言恒屢滿騷人多感謾詩裁水簾琴筑聲謀耳他日神游費幾回
鄉僧玄學既同游朴淵姑毋潭又追至紫霞洞花潭臨別索詩堅懇
戲集古句書贈五絕

老樹著花無醜枝緩尋流水得歸遲佳期別在春山裡問我來時揔不知
老大徒悲未拂衣白雲芳草與心違明朝却欲來城市春夢猶能夜夜歸

澗水悲鳴無歇時愁雲漠漠草離離傷心欲問前朝事陵谷依然世自移
綠槐垂穗乳鳥飛江海重逢故舊稀莫道西京非遠別整時相向亦依依
百花深處一僧歸遙逐孤雲入翠微他日期君何處是朦朧竹影蔽岩扉

雜記松京舊游集句五絕

百年多病獨登臺懷抱何由得整開山水雄豪空復在含情只待舍人來
自恨尋芳到己遲楊州風物髻成絲春風十里城南道紅粉當爐弱柳垂
萬事悠悠心自知一官何幸得同時錦囊佳麗憐徐庾獨立蒼茫自詠詩
流鶯多處最難忘醉踏殘花屐齒香人世豈能無聚散不堪端坐細思量
溪水清漣樹老蒼烏紗白葛道衣涼應須一曲千回坐遠寺鍾聲帶夕陽

哭金叅判子由

朋舊驚淪沒寧知又到君泮宮書互枕鵷列佩相聞中歲雙蓬轉殘年一
字群方隅頻節建民社慣符分所至皆收最于何不策勲卿材淹貳副公

望簡憂勤獲並三軍直同燒幾炷熏揮犀陪勝論注玉倚微醺此樂翻
愁損餘生豈足云通英聯退講東洛整卿芬惡耗承回轄長辭隔斷雲相
哀難聲意何況意浮文

送李都事世琳佐湖西幕

傳經斷獄推能事八幕輸籌展俊才符彩固知傾夙夜風稜先已懾姦猜
龍爭虎據紛羅濟臺廢城空但草苔從古騷人多感慨錦囊珠玉待歸來

南宮日錄

送武伯賀 聖節

聖籌撫運加三紀脩聘湏才簡屬新腹有詩書優展對囊無意以可還
身車箱水過愁逢潦衣素淹多盡化塵自是非生觀愈富歸來牙頰動驚
人

洗草宴飲乾卒爵歸途雜記所歷

綽完兩典稿猶存滌盡溪流水爲渾誰識老臣偏感事龍胡攀斷淚河
翻

樂事今年與境并蒼松白石更春晴君恩賸借如澠酒不道窮歡日已

傾

肩輿歷險醉都迷無數林花拂帽低士女擁途歌吹沸昇平有衆入新題
金爵猶啣返照明輕車緩緩並街行簪花頭上應羞老贏得兒童拍手驚

夢裡韶光覺已虛
亂花剛及兩前舒
長繩儻繫西飛日
醉盡千場不願餘
題薇垣契會圖

洞啣琳館送清流
地勝從前足勝遊
書疏罕投官自暇
賓朋饒賞襖還修
草茵似織偏承坐
松籟如簧細和謳
聲實不愆評點裡
向來迂叟莫深憂

庚戌庚申夜示兒曹

日趁官曹強病身
又和兒輩守庚申
不眠五夜雖緣老
免訴三彭未必真
骨肉團圓差慰意
親朋凋謝獨傷神
儻加百歲從今數
猶有前頭四十春
送任享之按西海

秋臺正屬祥刑讞
豐海還乘按使軺
妙割自應無肯綮
高才元不事科條
詩書布教能儀俗
觴詠登高足採謡
報政歸來聲望重
便看平步上烟霄
西疆地迫征徭重
縫掖稀聞媚學多
文獻師模淪歇久
首陽書院臭輪加
增修闕制供銅豆
廣集群徒備講廟
規比蘓湖宜不讓
好將儒教贊朝家

京畿迎 詔諸官契會圖

竹使同分近日邊
官曹亦縣揔才賢
綸音壓境申封錫
侯吏承風罄恪虔
備並節旄行負弩
每供尊俎酒擎船
雪泥鴻迹尋無處
除却題名孰壽傳

題讀書堂契軸

萬中青錢揔勝流
儲才異日貢鴻猷
卯申不縛趨衙苦
討閱同輸汲古謀
江樹遠含橫浦暝
暑風剛送滿帆秋
仙舟雅集傳聲舊
物色先歸顧虎頭
哭閔二相希中

備身文武早升公
北鎮西州遍策功
遇事出奇靈數中
當歡卜夜不知終
扶搖六月聊容息
磨折長籌遽告窮
埋壁青山還闕養
那堪絮酒寄深衷
謝大觀餉醺酒

巋然四紀似靈光
白首閑曹不作忙
醺罷流霞頻遣餉
談天古本未應強

荒林薄雪噪歸禽倦倚南窓發苦吟頓有詩情嘗餽物不辭搜句謝知音

哭宋監司

汝溫

同寅同調又同鄰義分平生莫我親燕路四朝身獨瘁漢官三揖命俱新
西門卧鎮方思效北首回轅已返眞髻稚古交今白髮淚河東注送靈輶
戲自遣

宿醒扶起對朝陰落絮飛花滿院深惱得春愁無處寫一聲羌管水龍吟
少年豪橫倚清狂聯騎青絲問秦娘老去不嫌新改業亂栽花竹待相羊
惜花

牡丹飛盡只空枝遣續蠻花也未遲苦恨不爲風日貸老夫無賞足嗟咨
悄無人語夢醒時風颺茶烟遶鬢絲惆悵殘紅無復在綠陰青子謾參差

聞笛示從弟

和

深院斜暉媚綠槐疎簾不碍暑風來一春光景渾愁思分付簫聲度落梅

哭尹亨仲衡

髻椎深情出輩流中年遭擯各遐陬過逢夢寐俱衰境乾沒風埃共白頭
御恤過常嗟僅見輔官稱屈遽長休媿無絮酒追埋壁空把哀章替奠芻

送應明案嶺南

知葵龍喉有歲華分憂南服策輜車判裁堆案無留牒叅候盈庭領早
衙儒吏飾身無望實詩書布教遍窮遐未妨能賦酬登眺在處樓臺送鷺
霞

牡丹盛開戲示朴生

滯酒昏昏過一春絳羅高捲却迷真無情可媚韓中令空誤穠華未肯親
題薇垣契軸

理世偏知書疏稀未妨休浣解朝衣日臨尊俎襟相照雪霽林巒實不違
直伏青蒲聲已動班聯紫禁晚方歸畫圖沒道來評點好聲丹衷咫尺

威

三清齋舍示朴生

祇命開真醮齋心晝閉門瀑喧和樹籟山擁苔禽言福地占坤位靈壇
倚石根端祈風馬降彤嚮報天閣

題亡友太綏小畫

李不害寫

象外游神領物華毫端異境幻來賒雲與膚寸迷千嶂樹擁陂陀露幾家
沙步渡藏舫隱約野橋入斷路紆斜此間擬共濠梁趣瓶雀俄驚手未遮
雨餘巖壑便生奇烟薄雲螭指顧披思苦推求機獨到妙存盤礴手先知
前身豈敢當詞伯宿業應難脫畫師珍重延陵留劍意與渠同洒涕漣而
依韻荅觀物詠白蓮

碧羅裁蓋罩方池吐出仙葩絢雪衣粧曝秋陽都謝垢臉勻晨露轉多姿
光涵桂影天香動晶射龍宮闕聳知寵和詞高攀不得只將馨德比清儀

題典艦司棧圖

西南國計委輸多任到漕司選倍加烏榜鎮開江漲曉黃頭爭趁柁樓倚
蔭無少長敦朋好官有卑高共契家留取鮫綃摹姓字百年相倚比蓬麻
病中有懷寄韓諫議

病中春屬暮臨鏡嘆衰遲檢藥難消憊措筇稍起瘦時平無力報官滿望
恩移請告爲休漸歸耕不負期

催花連曉雨捲地更顛風故絮無留暖重簾不策功園池尋謝夢牛豨
殷聰珍重同心調忘言意自通

謀僮催種菜乘雨亦移花無望叨春省多能學園家妄心纔戰退閑念便
來加書疏非吾事裁詩詠物華

心知難並世下榻豈辭頻話到忘形地懷多脫塵陳鑪熏從屢換茗飲復
交巡袞袞東華開相期各保真

松濤和雨聽心境偶雙清抱警徂長夜拋書背短檠殘年多敗意浮世動
循名何日尋簑笠烟波釣舸橫

題朴僉知映翠亭

聞君選勝駘岡顏林杪華亭破秘慳六月念袞涼吹作一春張畫雜花斑
當歡會別宜相惜撫景高年不可攀回首露峰如媚客向人斜日擢烟鬟
辛亥初秋與尹汝沃尹彥平宋獻叔柳叔春沈士容林冲舉慶

彥晦諸寅老游漢江

秋室坐度三庚酷濯熱來乘萬里風津濟不窮團磨燈烟沒長管送船蓬
鳥程抄磬輝三白丙穴登梭尾鬣紅盡日共諧逃暑約明朝揮汗軒塵中
辭樓搖曳泛蘭橈又上華軒縱目遙事去壑舟容夜負客來鄰笛祗魂銷
杯觴到手難恢量歌吹隨行不待招勝會易闌佳景在居人猶記馬蕭蕭
從來適野謀多獲風駕聯翩稅近郊何朔戒賓徒屬譙錦棚羅艷足媒嘲

揮犀脫麈談鋒凜舉白淋衣酒令交只欠留髭仍卜夜吐茵誰復到號呶
書庚楔錄後

尚年從古事堪誇周甲光陰未足嗟紅頰白鬚俱耐老烏雲粉靨助生華
衣冠任性寧違俗魚菜隨時各桶家共制頽光專此樂不應治具競豪奢

送李書狀燕京

銘

署牘南宮獲叙僚雍容步武見風標逢迎講禮言多中高雅除疑鄙自消
路算四千將命重時分十二念親遙攬窮抵鵲盈車返定有光華徹九
霄

送晦伯出按閩西

西門鎖鑰從來重帷幄名臣簡任多僉舉到公無異論聖心寬顧及
重欣臨邊聘略游魂遁醫瘼多方急手摩莫道外庸淹亟召春明元不
隔天涯

平生猥忝差肩長共向交游數在亡分作蠹書依輦轂相應飛食委邊強
江城候節雖軒並海屋添籌愛日長內集團圓無一缺叩君聯壤定懷章
送朴養叔赴朔北戎幙

二年坐署儀曹牘日日懷人諷詠餘廩到始罄憐宦薄飢逢盡餅愧名虛
徵賢幙職多清望謀帥詞臣有簡除會見邊情條奏悉知君器業未應踈
重陽感懷 辛亥

九九層巒謀小集費仙遺訣尚尋懽樹林槭槭飛菱葉眺望遙遙極遠山
簪菊佩萸人幾在感時傷舊鼻先酸強傾白墮頽然卧天迥星搖眼纈斑
宴青陵第

尺五城南深雨露霏雲霈澤自天扉門闌莫恠多祥慶寧觀曾經降翟
禕北海朋尊醺到骨東山羅艷爛生輝黃花燦燦明歌扇紅葉飄飄墮舞
衣白履厭庭隆禮數蘭芽當戶好威儀鳴鼉已倦仍投轄歸路殘河拂曙

飛

宴清原第

樽展芙蓉屏孔雀飄裾翳袖佩珊珊秦樓鳳下簫鳴好鄭驛賓來禮意殫
風遞漏籌侵午夜酒回春律破秋寒梁園賦客多才思青瑣橫眉不敢看
書同庚契會圖

生同歲內獲聯肩龍虎登名復後先光景侵尋開七秩衣冠雅古華群賢
會傾洛社曾儀俗圖倣香山正尚年整謝機衡觴詠罷並趨曹省卯申纏
且從真學爲寒儉誰道崇高易疾顛盛事無詩當舉白非才授簡思茫然
南宮夜飲示士容寅長

完月窮冬偶並辰南宮紅燭主諧賓世間何限歡娛地法部笙歌擁幾人
壬子正朝

晴街珂馬動輕雷朝罷三元放仗回雲擁蓬萊深氣象天開閭闔好樓臺

群心愛戴同申祝
百度修明共仰
裁坐署儀曹
三易歲却慙華省久凡

才

送穀仲按西海

從來孔李故交遐
前秋多慙更倚床
密勿綵綸摘筆力
激揚溟海策輜車
聯倫又屬同分陝
備養還知極一家
在古無聞今僅見
他時國乘耀聲華

虛寢無人管採蘋
應緣許國委孤身
便當襟袂排門去
豈憚乘危叱馭頻
殘凍已侵春候釋
弊貂猶獲臘寒因
河橋酒幔空愁思
不道瓜期似隔晨

早行記懷

迷魂亂眼花如海
逆鼻香風九陌晨
老病肩輿唯索睡
盡輸狂興冶遊人
風擺危花飄淡白
日烘高柳變深青
騷懷感物無佳思
草滿池塘夢未醒
何許天光先曉白
崇桃積李苑中多
十分春色籠應盡
除却游蜂戲蝶過

少年浪跡爭春事聯騎香羅散玉蹄路熟東岡偏就醉杏花如雪酒壚西
干慵不與脾家便飯後昏昏引黑甜莫恠東陽腰帶綬茶甌散悶瘦還添
暮春旣望後四日同戶判鄭子仁叅判南伯順叅議李道盛僚伯沈
叅判士容李叅議殷卿陪領相沈公孟容三宰任公士經提議太常
祀供于太平樓小酌間沈相先辭出余輩懽飲至夕是日大風以雨
及暝稍霽仍紀小紀云

作意登樓眺遠山偶逢風怒亂花間更兼烟雨無情思鎖盡名園不放看

暮春下旬有六國工許億奉

大琴

李佐

腰鼓

鄭義堅

加

卿

等不期來謁俾

就家園縱奏其技又使家婢助以歌舞真一場戲劇聊記一律云

春殘九十病沉綿剛試新聲法部傳白傳霓裳消慢曲唐皇羯鼓破繁絃
春雷百面花齊發卯酌三杯興已顛千載相望心偶契敢將風調敵前賢
暮春下旬八日同庚張河原子房金亞卿仁卿宋同樞伯圭金僉樞

錫之邀余脩禊于城東先蚕壇迤西溪上晡時遇雨沾服不散堅坐
至夕聊記二律用博諸公一笑

靈壇高峙俯迴溪選勝來游到日西嫩綠已交花事退殘春無幾賞心迷
山陰勝集人何在上已香蘭葉已齊鼎沸笙歌殊未艾半邊還送兩淒淒
半邊還送兩淒淒霑濕何妨路作泥翠幕離披松半亞烏雲歷亂髻俱低
壺觴告罄猶難已義笠交張足久稽却似山公歸帶醉街兒爭唱白銅鞮
題光牧林冲舉歸來堂

盡道辭官勇去稀君今築室得真歸
搃戎二鎮曾飛食剖竹專城漸食機
五柳乾坤輸林釀三休身世付荷衣
也知鎖鑰須平仲非久 徵書起釣磯

家園送春

祇有今朝一日春偶來園裏獨傷神
殘紅搃被風吹盡漲綠初隨霽色勻

瘦到十分緣惜景病拋三月欲收身芳時例惹騷人恨爭似無愁趁俠人
牡丹盛開忽憶去年同賞示朴生君實

年年共被花料理勾引騷翁抵死狂洛邑園中誇富艷沉香亭北鬪仙粧
豐肌弱骨元非病標致風流合擅場若把餘生書閥閱與君先數對花王
日本躑躅

何年蠻舶到扶餘移植根株遍里閭猩血漸新枝上逗霞光濃透葉間舒
看朝至暮寧知倦寫韻傳神愧不如留與荒園真不稱省中端合對綸書
張河原子房初度日邀諸庚老歡飲酒半出玉笛令侍兒捻數調戲
題一絕博笑

君家衆伎揔知名玉遂偏憐美晚晴卧泣霜毛常有思梅花一曲帶邊聲
哭堂弟江華敬中

旬朔恒收信字通未應雲海隔冥濛寧知惡耗蒼黃至共嘆浮生露電同

兒長龍喉家已旺身齊九列宦非窮相期保愛如心膂背我云胡矢不終
哭豐城李公

資蕪韜畧自山東久揔機衡正百工賓日功高孚衆望贊猷心切罄深
衷屢屢長假難辭寵未釋煩言遽告終歆識富朝勲業大麒麟圖畫冠群
公

李夏下旬同張河原子房金亞卿仁卿宋僉樞伯圭避暑濟川亭小
酌是日庚戌金錫之
西赴全羅左水營

紅亭隱約黑林梢迤暑來登瞰遠郊山勢縱橫麗濟界年光賓送夏秋交
村非龜手長漂統俗近忘機可俯巢不久收身鷗鷺社餘生都向此中拋
七夕感懷

火流金紀令葉落并知秋橋躡填河鵲香飄乞巧樓人間多遠別天上枉
關愁曝腹慚空洞拋書到白頭

送樞卿出按嶺南

火維從昔重富庶冠諸藩人物傾朝右山川控塞門漸稀隨計上偏乏荷
戈屯蕭瑟全拋業逋亡幾遍村正須醫瘼急僉舉到公尊緣飾儒兼吏調
脂靜勝煩邊隅虞正棘防戍念常存賈勇多乘障游魂自忙奔登高能作
賦對景可空樽努力寬南顧賢勞豈足言

中元夜月蝕

經緯縱橫散白榆三更天黑鳥驚呼二精未必交相掩兩眼何因有獨枯
忠欽磔墓憐直膽狂思斫桂屈雄圖坐看不盡如鈎細誰識衰翁仰屋吁
不寐

獨覺虫聲裡悠悠夜未央少年憂國念老罷撫身傷抱驚翻成魘應官誤
着忙却令潘騎省空惱鬢毛蒼

南叅判

世健挽

裾履當時接里仁賸傳詞賦誦清新豈知糠粃叨前路敢謂飛揚屬後塵
少宰位窮非滿德古稀年近遽歸真一家撫養椿津並風木餘生泣未因
送退之按閩西

宿昔推錢選于今見鳳毛繩姦空雀鼠卧鎮建旗旄機畧恢收勝江山助
命騷春城多雅集歌吹擁宮袍
喬松太師廟殘壘魯城山一炷拈香肅三驅縱獵還名成多屬晚養備亦
偏慳今代誰全有鋪張侈後看

依韻荅大樹見寄

殘臘蕭然序自流門無結轍轉深幽病來始悟觀身忘考滿翻思住俸休
拜散長閑真自許端章小相本非謀三生共賴江湖癖佳句從君得解憂

書金吾郎楔軸

癸丑

人生無仕到金吾始可飛揚展遠圖淑聞擣毫裁奏牘清塵隨旆戒前驅

石門殘雪鋪歌席琳觀真游踏玉壺免被聚蚊嘲一餉風流憑與虎頭摹
許億奉弄大夸戲書

憶在湖邊過上元星河殘夜正當門落梅吹斷烟村遠萬頃平波月一痕
袞袞京塵近市喧清愁和病卧黃昏誰人解截柯亭竹一曲涼州斷客魂
絕藝唐皇擅第昆梨園常破衆音喧一聲裂石今安有伎到諸公甫獨尊
春興三絕寄李堂後

一病不知春捲序百花剛及雨乾時騷人狂被多情思瘦盡腰圍不自持
結習憐君苦未除窮年兀兀坐攤書閑情不管長安柳風絮飄揚遠別餘
花滿園林葉未齊恰回殘夢有鶯啼蝦鬚不礙東風過無奈輕陰壓額低
哭宋判書獻叔

才調聯倫湖甸外策名科甲動簪紳鎮居臺府持風裁荐秉銓衡妙揀掄
垣蕩襟懷無畛域恢疎眉宇見情真共知憂國心常赤豈謂酬恩志未

伸旅觀載途啼弱稚鄉山埋壁會諸親形遺麟閣猶生面蹟壽螭頭只聚
塵誰憫隙駒難再過却憐長夜不重晨他年鄰遂偏縈感宿草還應淚滿
巾

送金夢瑞充書狀賀 聖節

朝燕選价從來重曹省名郎僅見君惜去已知傾夙夜遄歸還得簡憂
勤延陵博識觀周富廣樂餘音罷夢分共說 講筵虛左待應隨屬對聲
奇聞

爲尚左相題靈川子畫竹

渭川分種到遐方幾處名園拂粉墻比德却專姿勁直醫人堪效俗膏盲
斑斑雨送湘娥泣細細香隨蜀客涼巖竇下披繡稚縛烟中忽挺羽林槍
南烹不管調羹用野賞寧饒問主忙爭似貌真心自得正須觀妙兩相忘
神移蘓老三生習勢到文翁萬尺長回首商山思縮地爲公重掃紫毫忙

罷審 宣陵晚發

出山望平野霜重物聲枯獨鳥橫拖暝長天半落湖征車馳未已候火耿
還無行役猶餘債衰年復此途

早發樂生

起趨黃鷄叫行穿野壠秋堆場無歛積恤費憫誅求憂國慚長策吟詩慰
遠遊乞身如有便猶可謝冥鷗

知子淡生活能詩新有聲掣鯨多費力看翠少關情枉刻三年楮思修五
字城推敲時未定應任老夫評

陽智遠中

風急天高落木秋征人無處不生愁東陽緩帶潘郎鬢宿債難酬作遠遊
火傘高張錦綉叢裁成青女有深功只應老物非春事還在騷人感慨中

利川道中

霜剝密林風振槁寒侵累絮葉生肌山谿驚過都忘險墟落稀逢盡掩扉
民食已艱虞歲計君恩雖博阻生微細轉對言茲隱波及窮遐自適
畿

利川詠松示主伴可仲

翼翼南川府趨程五鬣陰赫炎常貯爽愁暘頓開襟白甲叅霄直蒼雲擁
道深春來煩補缺免被斧斤侵

信宿清心樓步稼亭韻

平生黍竊愧朝端席左叨居亦強顏正越清秋方屬暮終看落日半啣山
雄詞敢列三王次高到思輸二謝間暫撥忙衙還得句騷人無地可偷閒
清波吹幔近簷端夜氣無寒襲病顏已許雲屏遮客坐更燒香篆起鑪山
狂遺烏帽忘形外醉挿黃花盡興間明日茲遊誰復再滿江風月任長閒
信宿驪江館淋衣醉幾場祗因王事重還畏簡書忙白鳥噴機淺青山

憫足傷撫年堪請老漁釣即吾鄉

普通途中

平展青羅側玉簪人行圖畫發閑吟只應屏目有興裏未盡搜奇體物心
泛槎亭下憶停橈倒屣相迎鄙自銷知有酒壚無復舊空餘樵遂隱山椒
楊根夜坐卽事示同事

攤山爲郭似盤中暝色初沉洞壑空峰頂星搖爭缺月樹巔禽動竄深叢
晴灘遠聽翻疑雨病葉微零自起風此夜共分吟榻料明朝珂馬軟塵紅
哭金叔藝二相

共賁粉榆振羽儀同寅期不負明時疾成盡瘁難投劑嘆足云亡軫愍悲
素輅遙遙逾嶺路丹旌隱隱轉山陂奠菑執紼皆孤義所賴勲庸口是碑
哭申牧使元亮

弱冠曾魁待選生聲華籍甚共推榮詩豪不數溫岐捷墨妙爭傳與可名

湖陰先生文集卷之四

勢息扶搖拋珥筆身拘淪謫伴傭耕晚途黃綬多收最官序居然軼九卿
東郡治聲紆簡在南州增秩不因人勸行孝悌與徒弟普極顛連發廩因
二堅況嬰難解崇齊民號慕劇傷親循良作傳他年事回首荒阡石表新
同年同郭又同趨髫稚深情老不渝散落疎星傷遠別團圓聚首據枯梧
春風綺陌青絲騎夜雨簷花白玉壺飲譴寧知鷄報曉祇今無復訪黃壚
嗟君緒業誰堪付三尺猶存侍者兒試取宗人謀議續何如血屬合天彝
詩書未必終無主門戶還知定可持白髮故交言在耳心期豈得死生移
癸丑孟冬下旬石川同曹朴二太常來訪

詩社聯名久挹香况逢今夜共啣觴講筵修缺君安在唯待吹噓汗漫鄉

滿腹篇章皆老杜吮毫吟料取無方不辭吐出驚人句更費湖翁一炷香

奉酬石川韻

強追高韻字橫斜尚喜衰翁沐及波謾把聯珠兼疊璧不妨無價盡輸多
欲躋危峰恠石支愚公有力不能移老年服餌尋真境何日長鑣斲肉追
尸祿拋官事牢愁改髮毛抱病頻請告持拙誤補高簿具唯鮭菜浮名愧
錦袍嚴家星夜聚謀婦續新繆

序屬無陽尚薄寒清宵酒興未全闌病身已覺妨供世好句還知勝得官
低闕玉繩侵曙爛穿街鐵轡送泥乾諸公不究扶搖勢正坐文人得路難
孟冬下旬七石川復携善卿養叔二太常來續前會

燈花香炷夜如年談屑霏霏送酒船休日恰盈长假裏流光猶玩復陽前
交州使節通陽谷灞水離詞唱李娟此會他年還有日幾時聽雨對床眠
談鋒詩陣俱勍敵未倦嚴更川纂嚴炊熟敢言雲子飯盤擎唯點水晶鹽
爭迎榮戟騰謠地聳觀清揚溢帽簷對景豈忘修舊令長思月細與風尖

諸公才倒陽春調寒屬窮冬頓解嚴久擁金朱優俸給却憐緋綠困蠶鹽
正收燭跋娛長夜翻聽簫聲繞短簷明日酒醒空悵憶乾愁依舊鎖眉尖
行看宮日添微線又見門符換舊桃債乏丹砂功未進調翻白雪韻空高
爲宮已慣遭三黜裨國何曾到一毫詩似枯楊便馬疥每逢吟苦撚霜毛
酒籌輸盡又更籌正要乘醺擁熒裘欲舉儀庖端省署還須民病徹晨旒
思窮詩律慚青出話到名場擬白浮仗節春風諧勝賞何如夜燭互傾頭
自笑持身闕寸長晚塗兼惱鬢毛蒼廁名治教登三足收迹江湖動一章
酒到忘巡頻屬飲篆殘抽綫屢添香付君霞鷺隨行討詞藻無令數二王
仲冬四日曹太常邀餞石川按關東養叔亦來會

問路寒城外開襟煖屋中驚心老大日憶別少年叢貊國攢峰凍溟州弄
袖風定恢詩眼力一覽盡瀛蓬

世故牽難了愁腸酒未消離筵壚畔通關路雪邊遙握節添行色追風任

馬驕夢闌江館夜猶憶紫宸朝

期君報政歸來過共覩除書濕紫泥帳裏不藏人十八愁邊寧放酒東西
山行幾費雙芒屨紙價應高爛醉題候返上東知未晚馬啣春草再三嘶
開口無多坐大侵聊因送客到更深窮陰正逼新陽動曲巷還須美酒尋
退筆強拈尖閣凍殘燈不剪燼飄金丁寧莫放驚人句何限詩聲聳士林
追攀准擬過烟村幾許衣冠出郭門嶺路候迎偏得意河橋風雪共銷魂
厨人打具宿醒解晚角戒行殘月昏箇裡推敲應警策書來莫惜與深論
愛詩兼愛酒話別到宵分共步中天月相看隔嶺雲鄉音無客到鴈足有
書聞此會何時又重尋思不群

同善卿養叔石川互唱更酬夜分乃散

聲名不博盧王上去就堪羞季孟間少日心期唯在進老年膠擾祗求閑
相逢杯酒銷更漏別後音書費往還誰似爲官仙骨在拾殘瑤草遍春山

用白
傳韻

老來渾未識炎涼唯向空齋事挿香藥
書籤迎客至清詩險韻鬪燈光
調高白雪難爲聽形穢明珠愧在傍
莫道今宵逢峻令東行隨處夜偏長

用東
波韻

世事從來喜變更追思心跡幾魂驚
凍毫有力衝愁陣蠟炬多情替月明
吾道自知須用拙晚塗安得尚貪名
只應聚散如絃矢何處相逢底裡傾
檣頂淒風散宿鴉苦吟應已厭鄰家
越朝不踏晨街鼓對酒偏燒夜燭花
癖已書淫拋蠹簡功收雪水試團茶
吾儕用意歸詩律如我徒勞似算沙
詩工真獨得學到是專門九畹同滋種
三春爲旣根高才尋謝夢幽興涉
陶園官病應成集東溟勝事繁
語曉頻觸諱吟苦未傷和手板行休拄
春篙試擊波徑荒尋二仲名並愧
三何趣造追康樂池塘草夢多

暮律將辭舊微陽已逼新平分千里恨共作兩鄉人愁思傾金碗關山踏
玉塵東人交迓節相戒有嘉賞

裘弊無留暖盃乾慙却寒微雲籠月薄殘雪背牆看惜別思何盡悲吟句

轉難相思分嶺海來鴈報平安

並用
白韻

別後愁腸日九回逢場何處好懷開春風紫陌鶯花開終憶關東海上臺
客散空堂散曉天回燈擁被一愀然他年蓬梗知誰健坐到鷄鳴共失眠
燒丹功積一絲纖鸞鶴鞭苔白玉蟾憶過仙山看勝絕懸崖百丈水爲簾
燈火闌殘飲未休寒鷄呢喔替更籌百年開口從今始無復人間萬斛愁
襟期相照劇犀通閱世還隨賣藥翁免誚聚蚊寧便得明朝依舊軟塵紅

送大樹按關東

詩社分功角五遭縱橫酬應服才豪清關不雜齋心淨靈府無塵道骨高
恬默着緋寧嘆詘驅馳叱馭不言勞鵬程正屬瓜期展回首烟霄一羽毛

春省黃清署牘叨霜華吹盡鬢邊毛池邊敢擬朝蹲鳳碁裡翻慚換共曹
却羨壯游無按部憑將遐矚快觀濤遙知對屬能多少頻遞詩筒破鬱陶
養叔來訪夜坐感舊

當時五詞客卜夜共尋詩直至鷄聲報寧論斗柄歆那知聚散劇番抱別
離悲賴有梧亭老頻來續舊爲

倒用前韻

人生百年內擾擾更何爲未得先愁失當懼已作悲扶衰藜動覓和困枕
多歌回首山中桂聊煩小隱詩

坐久摧燈燼更長數漏籌逢君饒興緒容我共家流春夜移歌席簷花送
酒甌却憐林按使香被擁溫柔

清和牀後二日夜用東坡韻與養叔同賦

長繩繫景已難追剛伴朱明媚夕暉國艷逞姿烟着色殘紅戀樹雨留飛

每逢勝日多違賞，無奈浮生未息機。何處可拚開口笑，樽前終免惹人非。
復疊前韻

風雅相期筆力追，林亭重約餞春暉。迸蒲水暖魚吹沫，抽筍陰成燕學飛。
鄭物撩人須好句，文章憎命足危機。幾時千仞岡頭上，與子振衣速是非。
酬朴和叔示韻

宿昔論深契，清芬襲兩仙。鳳毛驚世瑞，詩律自家傳。麈尾收談勝，燈花綻
夜燃。不愁嗔老醜，年背有差肩。

初夏用張宛丘韻

春去猶慳十日晴，南山屬眺未分明。危花已打連朝雨，殘夢初回百轉鶯。
書卷試攤挑病睫，茶甌頻瀹愜詩情。自嗟竊廩終無補，幸免經綸誤半生。
銷得春光幾日晴，又和煙雨到生明。絳桃暗謝殘粧面，綠葉句留巧舌鶯。
平子詠愁增藻思，純裁錦躋才情。算來宦業終安就，不博魚樵過一生。

復用張宛丘韻寄吉元

九十韶光少屬晴崢嶸節序近朱明
杏梁語軟尋巢燕琪樹調喉隔葉鶯
花事正殷孤勝賞羽書時急報邊情
幸叨祠祿無營甚吟苦唯消太瘦生
吉元依韻見和復疊前韻博笑

微雨重簾捲夕晴烟花零落愛輕明
飄殘倦絮餘高柳啼盡深林有亂鶯
陶逕撫松憐傲兀謝池尋夢放才情
騷人宿債長和病清瘦東陽誤一生
才軼樊川賦晚晴天饒蘊略展休明
薇花送紫侵宵燭溫樹凝青鎖曉鶯
正要奇文摘檄手却將先事得夷情
禁中頗牧多分閫不數吾家意氣生
在春曹演樂吉元和章適至復步前韻

南宮衙晚值新晴法部聲高睡睫明
舞隊翻旋回急雪歌喉宛轉學雛鶯
衰年聽樂翻多思病起探春亦寡情
琢重傳家詩律細寒水元自水中生

復疊前韻

十日春陰一日晴風花撩亂點衣明街泥滑滑交飛燕午枕依依聽遠鶯
撫舊可嗟多鑄錯憂時那免獨含情期君同病勤規闕失學吾今劇醉生
書禮郎契軻

春省名郎望實符從容講禮待時須鎮修周典諸禋舉敬贊虞庠五教敷
報午鳴鼉揮簿牒下樓殘燭擁歌呼豈知乳媪叅英妙題卷翻慚意緒蕪
擬書倭使詩軻

維舟極浦金初伏脂輶寒空露已溥祗樹坐禪聞業白鯨波致命見心丹
孤軍敢擬當時壘堅陣還愁近將壇別後共瞻千思月莫言思緒攪多般
書鍾磬廳契軻

虞庭考擊世無傳廟社當裡八奏愆積分黍銖成尺度龍岩治堅礪協宮懸
于今正謬歸諧律何許希音可象玄署牘春官叨盛事媿無謏見贊諸賢

治隱先生文集卷之四

應製錄

新川石堰告成 中廟祀陵回鑾時駐蹕出御題扶桑日出

令扈 駕文官立製以進

居首賜物

東極天河拂遠揚義輪繞輶破蒼涼明無不普先幽谷光配純剛壓衆陽
仙闕曉霞通黼座鳳池祥咲和高岡微臣自愧持螢爝願助無私照四方

濟川亭應

製渤海三山

居首賜物

化鯤風浪浩漫漫鼇頂神參覆鼎密世界本來藏粒小仙家乃有隔塵寬
拾窮大藥芝田熟吹徹瑤笙鶴馭寒每扈 玉鑾臨水府不勞橫海脰生

翰

十八學士夜宴圖

七言排律韻

天策真人策上勲晉陽扶義靖隋氛首開萃館招賢急旁攬奇才吐握勤
馬上山河以一擲府中書籍討三墳聯裾接武名俱埒峨冕垂紳動輒群

取善豈曾拘怨敵，掄材多是輟耕耘。虛懷叩納兼師友，更直研磨了夕昕。
房杜謨謀稱首選，褚姚文學亦衆聞。諸儒共負傾朝望，漸化同沾入室薰。
惟德有鄰聞闕里，以文會友尚河汾。因人重偏知禁官，是時須競襲芬。
東館集書充棟宇，石渠群論謾紛紜。如人世仙區闢，共綴官曹勝會殷。
歸院要從前席退，羅羞還得內家分。在公可使惜分寸，卜夜應須秉燭熏。
蘭燭焰搖宵在苒，瑤觴籌錯酒氤氲。分曹狎坐供交謔，吐論軒眉倚半醺。
飲鳥枯腸傾斗石，才多健筆爛烟雲。英標疊九終歸盡，盛事垂千永貢文。
求駿按圖尋往牒，好賢翻案荷明君。卽今中禁蓬瀛在，掠美唐家不足云。

洞庭暮秋

五言排律
二十韻

三湘移棹晚極目，九江遐浩渺平千里。微冥櫬一涯，闊吞全峽浪倒浸半。
天霞地勢東南側，星文翼軫斜瀝為百恠。宅環作衆漣，宸曾舉軒皇樂堪。
懷漢使查依稀露龍簾，彷彿像認鮫紗緬想遷臣至。多懷去國嗟燕公，休鼎

軸吏部負才華湖近危樓納帆飛激箭誇文章盛賓從忠鯁困疵瑕憂樂
思先正乾坤憶大家高文知國器妙句見天葩處士甘身耻騷人忍迹賒
詩豪詞朶楚帝子曲傳已寶瑟淒餘韻銀盤香點髻蚌珠前說誕仙管舊
聞夸混混浮天蓋沉沉蘸日車我來逢隕落秋令在蒹葭安得江山助冥
搜狀物加

登柳州城樓

百越龍城地登樓思殺人山圍象郡晚雲接柳江春憔悴投荒土伶俚去
國身文章化蠻貊廟祀俗猶新

錢塘晚望

靈隱寺中鳴暮鍾湧金門外夕陽舂至今螳垤封猶合依舊靈胥怒尚恟
湖舫客歸花嶼暝蘓堤鶯擲柳陰濃錢塘趙社都無所却問孤山處士蹤
華清賞月

佳節千秋後蕭晨八月時翠華移夜仗丹桂滿輪規郊管調三弄娣粧鬪
十眉行宮西幸見樂極已生悲

齊山登高

尚父提封霸業殘牛山爲望峯危巖當年登眺知誰並異代忠邪可比觀
千駟亨殷名已泯一裘清著節猶完我來不盡希賢想轉覺英風堅鬢寒

瑤池曲宴

五言排律十韻

西極瑤池上曾聞穆滿來訪真知有債鴝宴爲誰開不問天工曠空嗟日
馭催瑛磐桃釘實雲液酒盈杯駿軼行難已將酣意未回白雲鄉可托
黃竹曲還哀恍惚成奇遇乘凌惜整陪去雖留秘訣歸自愧仙才徐亂征
絕靖刑書老始裁有誰承此謬漢武轉荒哉

金陵懷古

七言排律十韻

東南形勝埋金地拱帶洪流舊帝鄉城闕班班餘割據經營衮衮揔雄強

龍驤邁畧初堪展虎視中原孰可當自是人謀能辨敵豈緣天塹曲爲防
元成播竄都忘恥王謝風流未救亡父子滅倫傾有宋君臣談寂弊惟梁
才高賦詠傳遺曲執誤經綸認廢莊從古金甌完又缺祗今陳迹臭兼芳
倘安敢竊方隅壯恢拓端逢緒業昌鼎重可知山不轉孝陵佳氣鎮蒼蒼

滕主閣

七言排律二十韻
居首賜增秩

剗草孤隋靖入荒盤根仙李葉輝光山河宰割推南紀節鎮雄腰屬少王
物力擅殷誇宇內城地占勢控炎方時丁多暇觀游賁制出高懷結構良
直壓巴山成枕臂俯臨衡浦作滄浪般倖效技工難狀神鬼輸功妙巨量
納日簷虛先曉白受風寮薄未秋涼清都恍惚移塵界紫府深嚴秘玉皇
吳楚輝奇供玩好枚鄒摘藻盛文章名夸一世還消歇事去千年費贊揚
竹色松聲俱境寂清江碧石祗心傷高秋勝會朋簪盍健筆雄詞腹橐忙
神借便風須發秘才雖宿構敢嬰銍地因人勝宜開拓事待文傳要激昂

霞鷺至今餘物色畫圖從古謾留藏飛雲捲雨懷時遠佩玉鳴鑾撫述亡
作記致高光焰爛重新事偉姓名香政同分陝歸釐革貶極投荒尚倔強
舊閣淪江徵信史新臺出漢繼遺芳微臣詎列三王後歌詠無能獻斐狂

慶會樓武臣

觀射

居優賜物

禁林舒景媚晴光決拾分曹試較長技妙穿楊心轉細力多扛鼎氣增揚
受風嫩綠當正翳翳水新荷襲繡香安不忘危勤武事須知 聖念繫苞
桑

閱武盤松扈

駕有作

是日有雨

芳蕪如局通條路 幄殿高臨日出東矢激馬跑聯五堞身輕槍急匝三
重星惟好雨行時澤異自為風策霽功克誥 回鑾入舉悅共瞻 堯顙
象 佩容

慶會樓

觀射

居首賜馬

禁樹微霜染赤楓

宣呼決拾較羆熊巧占中鵠五輸美技進軍功始見

功周有詒戎規屢請漢傳習射事還同喜逢
睿賞來多暇擬頌時升微

聖聰

廣陵觀燈

七言排律
三十韻

東南都會是蕪城欲數繁雄僕屢更枕臂江淮成沃壤輓漕舵舳走神京
平時富庶居無讓偏白風塵處必爭形勝于今資拱制藩維從古壯經營
歌鍾俠窟喧閨闔多馬奢風脫畧輕曲巷魚鱗開繡戶通衢雁齒接朱甍
祀星舊俗沉聲舊池禁前朝樂事並歲後風光元夜值城中供設幾家傾
綠棚高伏麓山峙火樹繁敷璧月明共揭籠燈彈技街競排蓮焰盡情呈
衣冠連袂成帷至車馬通宵作畫行照徹山河堪覩隙射穿星漢亦凝晶
華譙殺箭遲遲下綺陌游塵冉冉橫何處闌粧鉤畫箔誰家按拍捻瑤笙
虛明幻界三千遍晃朗層城十二清金粟未收闌夜燼珠樓先聽誤鵲鳴

銷沉萬古無留迹完缺殘甌但記名九曲迷藏需燕幸再傳洪業罷升平
龍舟犯露淹仙蹕螢燭供燈暈謔情未必戲游皆敗度須知玩物易迷精
禁中秘法繆聞呪空裡虹橋已奏成妃子伶官衆暫從雲幢風馭舊修程
積穠臨曉分微蠟點芥傍着渺大羸綺羅掩翳樓臺拭道俗奔沒寺觀空
杏辨繁花光燦爛遙知高架鬱崢嶸飄揚仙曲隨風墮紡紉塵縠入耳驚
恍惚歸來神覺爽羅穿奇勝語難評試看輕佻人安在自是危亡禍所嬰
勝地偉觀猶不泯佳辰良景幾相丁維揚侈汰須裁革勅罷觀燈厚有生
扈駕濟川亭觀水戰

不數昆池鑿苑中徒勤遠習艤艫旌旗翳日戈舩列鼓角傳圍月暈同
擣穴未窮先制勝捷音綽報已收功回鑾登得都人觀載續先朝克詰
戎

東郊觀稼

旗脚微風送晚晴傳呼嘉角啓戎行
裘袍日射龍紋絢江路泥乾駿足
輕萬寶已隨秋令稔一游兼省歲
功成歡聲夾道填黃白歷扈三朝
倍有情

慶會樓觀射

潯坑清池環水殿波添曉雨覺生肥
荷蓑未歇薰仙仗耦進爭多際盛時
宸躬屢回栖鵠中鼓聲驚散禁鳥飛
先朝勝賞曾陪罷今日還勝
入彩眉

扈駕新川石堤

庚子

度祀先陵磬聖裏回鑾堤上賞新功
場來游手齊趨事障得狂流却
使東瓠子塞時彈衆力浮山等就
有三空何人鼎載如椽筆輝赫休
光照不窮

慶會樓下庭試

絮飛春去恨茫茫
縣羽調喉趁日長
幽谷乍離聲却澁
江鄉初止語偏忙
無情巧舌饒驚夢
有煥金衣只鬪粧
消得亂啼無意緒
何如閒嚼禁林傍

柳涼
閒勞

萬頃寒瑤極目寬
秋歸水國夢花丹
纖阿恰蒨通綃幕
積練輕明浸玉盤
三弄調殘漁笛遠
九皋聲徹露禽寒
憑誰跨得琴高去
紫府朝真問缺完

平湖
秋月

秋日駐蹕望遠亭應製

已捲黃雲帶剗青
翠華高駐俯郊垌
烟開盡舸潮初上
風約龍旗日正
亭穉事驗民知屬
豫軍聲隨令可觀
形共切夙夜陪宸
賞何幸微臣陪
會丁

慶會樓觀射應製

范蠡龍目平晴陰
縣羽知時到禁林
百嚮等閒矜舌巧
雙飛自在絢衣金

遷喬正得逢 宸賞驚夢何須損蕙心 野外亂啼無意緒 莫教樓托殿崇

深上林
聞驚

從來弧矢藝之基 習武修容兩得宜 心中時絕見鵠力多爭也不專史
散軍務本猶先射穿革崇威未害儀戎事可忘無寓禮在今爲國足爲規

射不
主皮

首眩爲體理相通 要在憂勞胥整裏 前席詳筵皆講學 覆鷗名姓盡收忠
材無可錄猶甄用言有當陳孰碍聰 廖疾未宜辭苦藥 理容那可少青銅
贊敵廊廟思虛納 出令綵綸貴用中 字寅繡綸交費力 陰陽開闔亦分功
鹽梅舟楫須相急 魚水風雲感則同 巖等肖形推契合 草廬勤顧識英雄
寂寥際遇時難再 終始安全義未融 三復 御題增激懦願 存斯美保

吾東

君臣
慶會

楚鄉維夏熟梅時 陰翳彌旬雨散絲 潤到木筠生浥沆 洒多簾額鎮離披

轉滋書蠹藝香歇頻燐鑪熏麝氣衰東夏已收南畝足嬾涼觀德揖三儀

黃梅時雨

華山靈異少微垂從古高人遜世宜玄豹霧深堪養質紫芝春老可忘飢
却將靜勝都無悶那有機心更冀知箕穎迹荒人自浼弓旌事逸世難追
干戈五季紛爭戰興廢群雄幾奕碁邃學有傳窮理數高風不嗣得希夷
睡鄉自與帝鄉隔白屋何心黃屋移物色縱饒真主認歸來肯受好官縻
抵今側席搜揚急在昔尊賢禮意衰攀桂有詞終寓擬願恢徵聘替明時

招華山隱者

在天經緯定名詳取法隨人有弛張經術長來施廟署韜鈴學去試邊疆
銓掄未可偏輕重寸尺誰知互短長聖喻丁寧均任使萬年鴻業賴彌

昌文并用

慕華館應製

致賢要在自卑身况愛區區禮意頻側席招延皆有道疑心寤寐亦其入
谷空蕙帳後驚曉園送蒲輪草自春三聘培基延四百卽今遺則屬楓宸
三聘
永賢

詰兵深計寓苞桑運撫金甌尚不遑麗日和風明組練勁弓跑馬角精強
三邊醜虜皆游假一代英材盡寵光經緯弛張何可廢願言勤念兩無忘
初夏
關武

幄殿高張作四櫺都人聳靚翠華停岡巒擁助金湯固草樹蒸爲雨露寒
宿霧未舒暘谷彩晚陰全放帝霄青熟知二樂歸宸賞長對晨晡活畫
屏
十岩萬壑
含情暉

漢陽宮闕圖

北漢古郡肇自古負山襟海稱天府形勢寧當割據偏興運有待輸
聖祖不勞遷鼎卜宅邑百雉崇墉功首集祖社市朝涂軌成下下高高辨

燥濕郊門八達控巷陌象魏高騫脊附脉六寢深嚴位置尊重廡聯廊森
向額東阿有注額深窈翼以南榮先納曉尋常聽政或燕閑庶事每用
憂勤了西閣輪機察四侯制自天巧實難究農祥啓作人力隨日寓
重瞳念民疾彤庭弘敞樓對峙幾代秘府書填委北城松檜蔚千章六
月人行水雪裡心存共民不廣等苑囿豈爲飛走畜通渠活水注稻畦歆
識艱難湏試穀靈沼洪涵漢太液百頃平波浸蒼石西山影動落池中荷
芰擢紅蒲荇碧龍纏玉柱爭撈寶霧宿璇題恒挹顥恍移仙境向樓居從
此蓬瀛免外討別宮二所規制備殿廬周匝禁籞邃鎮御法宮出幸稀
空園物色春常媚艮隅橋門環泮水教成棧櫟興多士通來作養皆俊
髦爲是禮聖勤戾止庶司繫相共夙夜門施戟馬明上下閑闕旁通出
閭闔堵甲第紛相架百年富教俗變侈通衢日夕歌鍾起旣多冠蓋滿
陵橋亦有裘馬平康里華陽芳甸號天廡數對驂騑不待叩西門邸館

候綸書琪樹蕊籠擁華構郭外倚山列倉廩餽所委國計大湖邊亭榭
湖上峰華人登眺留賞最木覓從來寔國望夕烽報安三邊將漢水橫通
南紀流拖漕歲爲經給仰三國紛爭到麀李南京屢爲營洛地崔滋極意
賦三京未究揄揚才反質三都兩京出思固互設賓難肆騁驚豈若 聖
明見獨高授思衆史如 面諭繪事纖微勞意近自非不迫難摹狀功成
毫末獻 至尊元氣淋漓歸一障山川百里辨毫縷氣像幾處窮散聚一
舉阿堵賸在前何用觀覽出庭戶張與 幄殿俾臣看又俾垂後供題贊
此雖寓物等 先傳湏知爲戒非爲玩

擬西郊扈 駕應 製

運屬三垂宴時當萬寶成 宸游乘暇日穡事驗民情霽色穿旗綯秋光
媚浦明從臣知一有喜何以頌升平

湖陰先生文集卷之四



